

欽定剿平三省邪匪方略

正編

四

1. The first part of the document discusses the importance of maintaining accurate records of all transactions and activities. It emphasizes that proper record-keeping is essential for transparency and accountability, particularly in the context of public administration and government operations. The text highlights how detailed records can help identify inefficiencies, prevent fraud, and ensure that resources are used effectively.

2. The second part of the document outlines the specific steps and procedures for implementing a robust record-keeping system. This includes identifying key areas of activity, selecting appropriate record-keeping methods (such as digital databases or physical filing systems), and establishing clear protocols for data entry, storage, and retrieval. The text also addresses the need for regular audits and updates to the system to ensure its continued effectiveness.

3. The final part of the document provides a summary of the key points and offers concluding remarks. It reiterates the importance of a well-maintained record-keeping system and encourages the implementation of the outlined procedures to achieve the desired goals of transparency and efficiency.

欽定剿平三省邪匪方畧卷首

天章

御製詩

五

平定教匪誌喜聯句

有序

癸亥

却走馬以安民七載始成於戈戢迅隙駒而篤

慕四年稍慰於

弓遺心繼

志述

事之殷既克有定肩遺大投艱之任其敢弗寢太平傳

臘鼓之聲大定先

去聲

春雷之報五兵銷鑿八穀

宣饒粵厥蓮教興祆莠民作慝起自元明之代

下於簪袒之儔執王政之四誅必除左道肆周

官之三宥僅畀北投夫何炷香斗米之流竟敢

魚帛狐篝之詭黨推老教皆首起於襄陽

執訊賊渠

多供襄陽老教
事發戍徒先鬻刑於隆德
劉松
以下
事詳各詩注

傅之清
宋
者之協
劉
弟欲屠師冒廷詔者廷章

王廷詔
即廷章
父甘鬻子紅何為而罩眼丹竟可以打

銀係用繹於扶溝脫之弧而新野圖形貼壁久

勞海捕之文作眼排人幾漏淵逋之網逮葉縣

快符於後事告

橋山炯燭於

皇朝通志卷之...

先幾當其豺宓厲而負狼梟潛鳴而召鵬值

舜干之未格聲罪三苗瞰楚幕之偕行乘虛二廣闖然

豨突蠶爾蠶屯莽易翦而伏戎草難圖而滋蔓

每輾轉及兩封之介凡浸淫閱五省之交江別

爲沱駭風豚之吹浪棧連以閣嚇夜虎之夔藩

駛順流沔水束頭驀偷渡嘉陵西岸倏嵩邨之

免脫豫境雙海漸商維之鳴張秦關四塞終南

林老子午谷歧_管僮駱袞斜隴上坂長陰陽平跨
階成秦鳳游魂箐底乞命蘆中棄黔赤之安居
就紅藍之分號僞充掛帥卽下轄乎總兵本爲
歛錢沿故稱爲掌櫃長矛有手業是鍼工探馬
無頭人原騶卒曹鶴鷁之夜詔聚蟻螻以朝飛
躡我桑麻燬人茅蔀馬後載婦女影羸窮巷兒
孫樹上縛儒生聲聞連村雞犬驅氓蚩而裹脅

面刺蓮花驗賊腊之飽饑腹剗草實方寇氛未
戢丁溝壑而民哀欲刼數全消申風雷之天討
寄事權而歸一是在經臣善軍計以旁參俾爲
贊畫督以封疆之大吏遴諸提鎮之良材簡宿
衛以領麾禁中李牧出京卿而轉餉關內蕭何
七札能穿掄八旗之子弟兩甄齊奮呼三省之
爪牙滇黔粵則山國善緣直豫東之地風素勁

碣寨民毋毀我室團練勇各衛其鄉入塞草青
羣空晉乘淝江霜白粟泛吳艘所有軍需發帑
者彙億萬計凡經賊過給復者輒四三年驛使
遠來曲賜之頒十萬驍渠纔獲懸格之賞二千
戰功立進三官王事予加二等睠亡臣之移孝
母有尸甕卹先墓以教忠官爲塋賻級寧容冒
夾河洲百有餘三律所必懲梓潼水一其可再

勿避頭敵毋綴尾追剿與撫左右相須民非賊

稂禾宜辨軍旅之事未學要惟在賞罰之明仁

義之師者王以是為綏戡之本每當郵章急遞

雞籌不俟於晨興深思方畧遙傳鼇禁恒勞於

晝接用能易占折醜書紀殲魁灌腦地雷謨張正

謨傑聶傑則主賓併命當陽神礮楊起陳德則

僧俗駢誅同縶覃士張日遞鞞華林之耀覃加

齊王搏崖而僅喘姚之富投石以無生溝斷白堍

羅其園燔老木陳崇藁街俘到王三喜先

觴晉之五朝棧道纍傳冉文痛早

鼎成之二日山窮駱市林亮已折而風蕭占堰決筍河

符日不靈而氣冷添包正洪聯禽於徐正明李

潮報馘於漢潮張歷帥位奇叩師龔文羆兒高

德高成驅叔傑龐洪勝一門無類冉添元再世皆

灰

添恒添璜又楊

開甲開第

拔枯稊麻

宋麻子 趙麻花 焚縱

畝士龍

張

士虎

王

高一高二高三劔迺用以屠龍

周紹

刀真堪以斬馬

五及姪 應祥

川東既始

徐添德

飽任水

之游魚嶮北逃餘

冉學勝

阻壩溪而墮騎李

彬僵

井上樊

入傑

折園中尾先寔其封狼頸真繫夫瘵

狗

先俘苟文明之妻 及次子續獲首逆

路窮無賴

大

感駭鹿於入

林轍涸有蒲

寶添

索枯魚於桂木泡池水竭羈右

坎之全家

陳侍學并妻李氏

石柱坪傾歿西鄉之餘黨

唐明萬唐登

明皆西鄉賊

熊難蟄館

熊方青

蛟竟罹罾

湯思蛟

鐵

燈臺不照逋囚

景英

官帽山寧簪偽道

崔宗和

莫不

衿甲鼓下膏斧竿頭凡首禍者百餘人種無遺

育而抗師者廿萬衆石已俱焚欽

天道傲彼無將塵子心憫茲罔治披囊封之鼎至報甌

鞏之砥平感

天

祖錫以嘉祥與臣民同茲慶洽定楚蜀陝甘之旁午人

心一遵路之歸僂年月日時之皆辰天道逾周

星之半策圖誌後功貴善成政在養民蠲爾瘡

痍之擾治惟察吏憐其乳菀之求擇要害增制

帥之嚴填伍餉旌鄉兵之勇並生並育安分爲

田里一夫無貳無虞示意在綏定兩字

升四川
達州爲

綏定府

清時省戶役禁徵馬而賦車兵後屢豐年

戒帶牛而佩犢搜山路密更無伏莽之虞哨海

令通永杜尋柯之患凡此武廔七德庶幾功法

十全憶前皆

訓政之劬勞嚮後總

垂慈之佑啟最愴讀已春之

望捷絕筆如存猶記輟戊歲之聯詩前題始副

初 戊午春

皇考卽擬以平定教匪聯句因露布
未至暫停見

聖製重華宮詩

予一人曷

敢越志莫侈頌常武之章相小民尚有悛心惟

慎思邪教之說

御製

皇清聲教及邊郵內地頑民孽自滋遠溯元明倡

亂始

愚民習教祈福原不必過爲厲禁而聚衆倡亂
則法所必懲考元史方外傳有白雲會白蓮會

之名而欒城人韓山童先世以白蓮會燒香聚衆鼓
妖言謂彌勒佛下生河南江淮間多信之因起兵播
亂終就殲滅至明之中年白蓮教屢起爲變山東汶
上縣田斌妻連氏與白蓮僧惠金妖人楊惠煽亂所

掠丁壯醉以藥咒之列陣前則慙戰不避死傷治河
都御史詹瀚平之四川大足縣蔡伯貫以白蓮教挾
衆爲亂僞號大唐大寶元年破合州大足銅梁榮昌
安居定遠璧山七州縣川撫劉自強討滅之山東鉅
野縣徐鴻儒以白蓮教倡亂破鉅野鄆城滕縣鄒縣
截運河奪糧艘巡撫趙彥討之其黨高尙賓縛鴻儒
降同時四川白蓮賊洪衆白台仙等爲
巡撫朱燮元捕擒正法俱見後鑿錄

近從楚蜀異謀窺

邪教傳布聚於襄陽故後來
俘訊每以襄陽老教爲重其

茲事之始在楚則荊州府之枝江宜都在蜀則
達州及所屬之東鄉太平其後蔓延日衆幾至
不可爬梳其實始爲騙錢終成乞食勢張則豨
突村落事急則雉竄老林蟣蝨至微蜂蠆有毒

於光天化日之下膏鈇伏鎖自黥徒遞煽

松清協

乾隆五十九年各省查拏邪教多供傳自宋之清而未知宋之清受之劉之協

劉之協又受之劉松劉松者河南鹿邑人四十年於混元教內犯案發配甘肅隆德縣先收安徽太和縣人劉之協爲徒五十三年來探其師商復舊教改爲三陽教將舊混元點化經改爲三陽了道經靈文改爲口訣猶恐不能給衆欲覓一人捏名牛八僞稱明裔又指劉松之子四兒爲彌勒佛轉世保輔牛八入教者可免水火刀兵諸厄歛錢爲根基錢又出打丹銀彙送劉松處到日對天焚黃表口誦靈文消災之協又收宋之清爲徒之清遞傳日衆遂背師別拜河

南南陽人李三瞎子爲師謂其子卯金刀將來
大貴將之協教內人勾去之協同劉四兒至襄
陽理論之清斥爲虛誑四兒亦以未見牛八怨
詰之協尋得太和縣人王廷章卽廷詔之子十
一歲雙喜兒作爲牛八送隆德與劉松見面復
稱往襄陽見之清自此遂無消息嗣宋之清破
案逮訊劉松均論如律是時之
協方在逃而逆案已先定矣
棚戶分傳巴達

夔 湖北監利縣人陳金玉光玉兄弟與同籍之
陳開榜俱拜王大烈爲師學習邪咒經語金

玉兄弟在竹谿縣種地接壤四川大寧縣傳教
頗廣嗣川省發案咨拏金玉得信遁匿差役獲
光玉送縣中途遇開榜喊
免脫扶溝頻越屋
救逞兇殺差旋拏獲治罪
劉

起榮者太和人傭於襄陽識劉之協叙為族弟
從入教之協以銀二百兩令送劉松道經舞陽
縣縣役見其蹤跡詭秘誰何之起榮自認行竊
會扶溝縣有客民謝萬山被劫數符船戶係劉
姓方通緝遂解扶溝知縣劉清龜鞫之改供族
兄劉之協給銀令購綿紬關太和提之協既到
清龜以為竊案循例取保會楚蜀捕教匪正急
同教郭彥忠知其事通信同逃至太和入丈溝
而別云欲往史有義家拘訊有義供至伊家一
宿而去後遂不知所往下各省圖形購募卒無

獲臣雒學葉縣尙留旗劉之協既逃往來汝
永璇鄧之間久居新野縣

郭里集同教張傑家地方官挨戶查緝則從此
鄰梭織踰墻越屋以匿其跡捕益急遂與張漢

潮姚之富齊王氏等同謀爲逆約以嘉慶元年
三月初十日年月日時皆辰糾衆起事繼因枝
江宜都聶傑人張正謨林之華等已於正月十
一日焚掠村莊二月初當陽楊起元亦起是以
不待期先發黠賊復慮事敗受擒不入賊營但
於鄧州新野閒散地面同教人家藏身湖北教
匪皆其所傳四出邀約五年六月寶豐縣李岳
爲逆布政使馬慧裕平之事具下文賊寨樹天
王劉之協旗而之協先出欲往湖北合賊道由
葉縣知縣廖寅詰獲解京鞠出逃後情事凌
遲處死該犯初逸時不過逋逃一夫而
諭旨嚴切期以必獲時越六年終伏其辜訊出
羣醜皆該犯一人勾煽狡獪悖亂情堪切
齒始信先幾之哲見於未形也
蔓延

五省荆鈎棘

賊分起楚蜀而會則魚爛敗則獸散流轉靡定自楚而豫自豫而陝

自陝而甘自甘而蜀越呂堰雙溝出朱陽荆子

關上秦嶺入南北棧渡漢沔踰陰平擾巴山漁

渡逾白水江驀梓潼水出沒夔巫郾竹商雒之

間而以南山為巢窟不傍城郭惟劫村塢遇官

軍數奔獸散駢走恃老林為藏身之固東至於

唐鄧西至於松潘北至於禮縣南至於孝感有

經賊再三者

神威經武臨之以

噪集羣奸

雷霆照之以日月卒就漸滅無遺

梟附鴟

邪教以輩分為尊卑其掌教者稱師傅起事後以其魁為元帥次為副帥所轄

為總兵先鋒訶事者為探馬頭耐戰者為矛子

手分青白黃藍號而來往糾眾者為線字號始

不過教中人積久而無賴不法者闖入其中如四川之啞嚙子南山之老戶襄郟之棚民沿江私鹽之梟各省私鑄之犯乘間作孽非必盡係教匪也其裏脅之人久而習慣玩法亦有甘心從逆者然而安分蚩氓一旦蕩析離居家燬孥亡莫謀朝夕不得已隨賊奔走所在多有故賊中厲禁逃者卽斬且有面刺蓮花銀鐙連繫者良民陷罟無可如何足徵

天慈每加
來復七年剛度劫
湖北教匪首禍於丙辰正月十

測憫者也
一日越九月二十六日四川教匪起事
距今永清大定首尾七年
臣承理
貞師百

戰合摛詞
自用兵以來行間將帥仰稟
謨封疆大吏恪遵
睿訓起灌灣廟

腦獲聶傑人迄誅苟文明剿撫並用俘馘踵來
賊渠凡百數十人咸懸藁街而築京觀雖

天地之仁兵非得已而

風雷之用民乃胥

安謹撮其戰績之卓軍謀之勝者分段擺句於

左

顛行纔恨張師父

丙辰 湖北邪教聶傑人
等聽張正謨糾約因湖北

各營官兵調往湖南征苗乘虛起釁邀集匪徒
於枝江等處肆行搶劫巡撫惠齡在荊州經理
軍需卽帶兵馳往由江家壩追至灌灣腦駐大
和山扼其要害賊暗於深沖口鳳凰山憑險踞
守我兵分路進攻無不一以當百正在長驅深
入間逆首聶傑人見官兵驟至料難逃竄卽同
匪夥熊太山等五人自山奔下直至軍前叩頭
納命訊據供伊子聶池向拜張宗文爲師張正

謨起意謀爲不軌現在同教二千餘人一
時解散將該犯解京
廷訊正法
睚爛

猶誇李大兒

宜都縣人向瑤明隨張正謨起事
爲其心腹頭目三月初三日爲兵

勇擒獲訊供於上年四月從劉盛才入教會說

山西岳陽縣有李大兒爲主助其成事會同正

謨往山西見過兩手有日月字頭禿睡爛僞作

暗啞向其傳述正月十一日在聶傑人家率衆

拒捕搶糧往江家壩又移灌灣腦裹脅山村男

婦衆及萬餘等語卽解京同聶傑人

廷訊正法其子逢太逢盛瑁陳士登俱習教從

逆劫掠多次俱於該處正法其李大兒下山西

巡撫蔣兆奎親往

蛇縱禦鎗言妄誕

賊踞灌灣
腦官兵攻

戶緝並無其人云

圍數月未下訶知山後王母洞賊方曬麥防禦
稍疎五月二十六日分兵成德由黃家莊進攻
富志那於獅眠坳埋伏丑刻進發至山半賊已
覺山巔鳴金賊蠡起擲石拋火彈我兵用擋牌
遮護奮上相持惠齡密遣取便道至洞後焚其
麥積烟焰接天兵勇直登賊亂奔有白衣賊手
執一物號召抵死不退成德手發烏鎗應聲而
仆眾始竄去訊據縛賊云白衣乃頭目劉盛鳴
手執銅頭鐵蛇平時誑眾臨陣舞動不懼鎗礮
其矯誣多類此先二日官兵於獼洞獲苗明魁
亦賊渠在楊樹坪敗逃匿獼洞欲
往柳坪投林之華者
世承 璘 巫能召魅術

支離

來鳳縣巫師胡正中從唐貴習教聽襄陽
王掌櫃煽誘於二月十五日在唐貴家祭

刀起事三日內聚衆二三萬攻擾來鳳投旗鼓
寨大教頭田谷敦入駁其寨週十餘里掘溝丈
餘樹木城造經堂因正中能降神羣推爲首川
兵屢攻不下六月十八日分路圍剿鏖戰兩日
一夜賊不能支先是有賊安定邗悔罪携家投
出總督福寧質其眷屬仍令回巢至戰時定邗
伺間稟知正中向山溝小路欲逃副將慶溥聞
信迅往埋伏生獲正中及母彭氏弟正連駢戮
賊不可計數唐貴 縋城故友餐茶譎 賊據當陽
田谷敦續獲正法 縣城其魁
楊起元爲五寨總頭目自稱大元帥畢沅舒亮
圍攻閱半載詢知鄉勇頭楊宗周與城中軍犯
王之亮交好之亮頗有膂力賊素所倚信因命
宗周潛與通謀誘擒邀賞之亮果於六月二十

日夜攜眷六人來獻起元首級稱是口四更起
元前來催令上城抵禦因給至屋內喫茶乘其
不備立時斬首布裏縋城而出
驗明梟示賊黨於是無固志矣
改服元戎刻印

癡

楊起元雖誅當陽城仍固守畢沅等攻破東
門賊退保西北半城依龜背山爲巢穴并於

高牆內加厚二三尺抵死抗拒我兵用大礮頽
墻三十餘堵焚屋四百餘間七月十二日丁夜
直上龜背山賊見官兵勢猛盡易青衣匿白號
混作良民希竄我兵重重圍裏殲級千餘生擒
總頭目陳德本該犯本爲右寨頭目起元授首
爲衆賊所推遂代任其事懷中搜出木記一文
曰元戎之印解
京正法又擒著名賊目羅傳
禮金加寬劉季時楊啓瑞
召華鑄礮之馮百川

善放大礮之妖道譚復信助逆書
役席雲峯等數十名克復縣治

黨洗排牆符

左道

聶傑人向瑤明之

廷訊也均以張

正謨爲渠而正謨尙踞灌灣腦日久築石
墻二道布鹿角伏地雷守禦甚固官軍思所以
疲之於八月中旬東西進退輪番攻之五晝夜
賊備皆弛十七日以五百人持乾草噴筒火彈
三更後燬之引迤地雷響震山谷鹿角皆燼四
面冒火直上賊於蹲崖立石伏身發鎗抵拒官
兵燬其頭道墻急攻之賊勢瓦解於二道墻內
跪號乞命軍中有生員孟宇寧指認張正謨及
其用事頭目劉洪鐸卽排墻縛出解京訊張
正謨供其師房縣白培相向說山西李大兒事
劉之協爲其軍師傳符一道上有貫寸長三字

隱長春觀地名云是役殲賊萬餘俘僧廣寧及
逆首聶傑人之二子灌灣腦蕩平 臣綿恩

御製 股傷藉稻盜東菑

龍馬山在施南府宣恩縣壁立
千仞中通一線磴崖奇險縣人

李登敖等聚眾山內以應旗鼓寨之胡正中福寧等
既破旗鼓寨遂移師剿之遊擊董寧川先驅於八月
十六日馳抵山下時晚稻方熟賊以缺糧正欲領眾
搶刈民田官軍適至薄之登敖傷左股被擒賊竄回
巢喊稱悔過投誠寧川稟迎福寧至賊大小頭目宋
錫文等四十四人投繳軍械攜眷屬四千二百餘名
口伏地叩頭懇求活命 跳巖絕救身皆腐 達州首逆 徐添德於
許其各歸本業安生 張家觀茅坪為官兵堵截乃於馬鞍山普子嶺等處
紮木城掘深溝埋鐵籤斷路踞守而別遣徐添富往

太平縣勾結羽黨黃富才卿有義在鞍子坪屯聚期
互相救援官兵既於馬鞍山殺賊奪卡而遊擊謝開
先亦破鞍子坪賊屯富
才與有義俱跳巖身死
竄箐追擒肉寸齒
徐添富添
德之弟達

州東鄉太平之有邪教皆由添富傳習起事後四出
邀約方黃富才卿有義之投巖也添富卽竄入深林
官兵購線知其蹤跡追拏格鬥傷重就縛寸磔梟示
太平縣鞍子坪等處賊匪剿除淨盡十二月二十四
日英善
三箭連珠貫悍寇
丁巳 賊擾襄江北岸官
兵痛剿四散奔逃偵知一
等奏報

股竄向西南人數衆多旗幟紛雜惠齡等分兵於正
月廿八日鼓勇齊進於劉家港殺賊百餘人生擒劉
文舉等七人訊知姚之富等復招得同教二千餘人
現在又分三股其逃向西北一股姚之富劉起榮俱

在其中等語官兵留心緊裹賊且戰且却至鮑家畝二十九日黎明直前圍剿見有頭纏白布手執大旗騎馬賊目一人往來號召極爲兇悍碩雲保射中其左髀恒瑞復射其右脇賊拔箭馳驟如舊慶成又射中腰始落馬被擒令前獲之劉文舉及小路別擒之李孔昭認稱是劉起榮並於身畔搜出黃綾一幅上書該犯姓名並經文咒語訊係劉之協所給并云上年四月曾遣棗陽之貨郎趙化瓏往河南尋劉之協先是拏獲之楊應邦供有趙貨郎往來通信之語亦相符合

兩雛銜尾報顛頤

十月二十二日額勒登保奏據總兵張廷彥稟報在板橋

閩王坡追賊獲從賊逃出之張三兒年十四歲陳保年十二歲稱林之華昨在雪崖頂之大茅

田爲官兵追急中鎗墜馬而死當卽尋屍并嚴
審二豎供俱農家子本年六月被林之華先後
擄去隨身伺候衆人都稱他華師與覃加耀張
馴龍常在一處那日逃到雪崖頂三人方同食
聞追上馬至大茅田正急間聞加耀喊說華師
中鎗墜馬了我回顧之華頭上出血死了是夜
宿一村中加耀向馴龍說華師過劫了不可告
人只說換馬走了後數日我乘空落後被拏之
華年五十許微鬚稀髮右腋黑痣頤有黑癍左
臂火藥轟傷成痂於坡上獲屍驗符并據兵丁
董上運云之華充長陽縣衙役時常同解犯識
認屬實依律判颺傳首長陽長樂巴東建始鶴
峯恩施巫山等凡
經蹂躪之地布告
毀橋壁可緣桃進
戊午 終
報寨首逆

覃加耀長陽榔坪人以張馴龍爲師初講修行
旣乃誘其謀反起事時有衆七千餘人與林之
華合二萬五六千人以加耀爲渠私立僞號封
僞官加耀爲老營之華爲中營分左右前後四
營馴龍爲左軍師張正朝爲右軍師官以都督
爲大有總先鋒先鋒提巡提點諸名目皆習教
之人其附從者許以百總等官大軍剿之於黃
柏山轉竄銅鼓包平隆壩乃入終報寨寨四壁
巉削一綫中爲偏橋以入賊毀橋守兵皆緣木
枕踏輓梯或以繩度超越峯巔賊往來奔突而
山勢過險無徑可逃加耀尚驅賊狠鬥併就俘
馴龍已隨之華受誅正朝以下大小頭目百六
名賊夥萬餘無
一人漏網者
拔柵風先遣騎馳
達州徐添德
肆逆擾梁山

新寧屯於開縣臨江市官軍將剿之添德遣新
寧十八灣人曾柳往萬縣勾結石壩山同教郭
長俊起事以牽制我師爲截後計勒保等籌及
先剿新起之賊以清後路正月十一日師自黃
茅嶺進邵家場余家場孫家槽甲午灣龍池灣
五十餘里皆賊衆落賊敗竄石壩山地勢險峻
沿山以木柵石墻爲固官兵拔柵毀墻以進誅
長俊賊已先遣曾柳由迴龍場馳報添德來援
追及於彈子壩斬曾

委地金環惟氣屬

楚匪入川及豫

柳餘賊俘戮殆盡

及陝皆由齊王氏姚之富齊王氏者襄陽齊麟
妻麟先伏法故稱王氏齊寡婦匪黨尊爲總教
師到處蜂起聽其號令實爲衆惡渠魁至是與
高均德分擾山陽商州德楞泰等分兵抄擊齊

王氏與之富折向山陽石河鋪東竄官兵分路
追擊三月初五日抄至寬坪賊衆排立左右兩
山并山脚大路分投抗拒而敗奔至尖河口分
爲兩隊其一股由兩河口復折竄西南甘溝是
日追奔百七十餘里次日乘勝追至二岔河賊
衆尚八九千人占山梁奔突溝口訶知左山梁
一路齊姚二逆皆在焉官兵四面環攻搶上山
梁賊棄馬倉卒無路逃竄齊王氏率婦女十餘
人從西面懸崖投下氣猶未絕雖不能詳供自
認齊王氏不諱訊之生賊僉稱該逆剪髮復蓄
長不盈尺并身穿繡衣耳戴金環可
據指認屬實遂卽磔梟

臣綿

億

投空石齒

立心勞

姚之富見齊王氏投於崖相隨跳下石
傷心坎立殞得其屍賊黨三千餘盡殲

擒千三百餘人內大頭目王如美諷係自襄陽
與姚之富幫齊王氏起事僞稱大丞相卽正法
姚之富磔梟併齊王氏首級傳示湖北本
籍及川陝滋事各地方後猶稱齊家營
飲矛

想悔羊無血

大寧縣老木園之賊目上年糾衆
滋事負嵎日久四月二十三

口官兵由三道堽進攻焚其外圍木城兵勇執
攔牌先登躍入賊卡砍斃數賊乘勢湧上殺賊
三四百名首逆陳崇德知勢不支率衆從西北
面滾巖跳澗連夜奔逃我兵於琉璃溪口截殺
復由冉家嶠翻山而逸追及於木桃坪大黃連
堽闌入太平縣境又折回水墩子山梁恃險竄
匿我兵搶山掩殺匪衆無路可逃殲戮殆盡陳
崇德自用矛戳心立斃經擒獲賊目尤國安認

明戮屍

沒羽真穿兜有皮

藍號賊詹世爵與黃號張漢潮白號李槐稱為

三大帥連被官兵在湖北境剿截走陝之平利又聞有兵從興安來不敢逸出漢中因作奔蜀計世爵出令將三號分為三隊每日輪先行走欲從陝境隘口逃出其地兩面陡崖官兵勢難得手明亮與肇躡得火箝子石梁洞一帶可以抄出賊前七月二十日抵清池子山口賊急奔過官兵圍漸合週僅三四里山頂號礮一發分投衝殺逼入垓心藍白號旗併成大隊迎敵我兵爭先用命自午至申殲數千人生擒無算當於積屍中尋獲穿腹射死之詹世爵斫傷手腕將斃之李槐質認確鑿鑿礮示眾是日張漢潮輪先行故脫開縣擣虛戎伏

莽開縣安樂坪地方山勢層疊首逆王三槐屯

踞其間險要口隘均設木城石卡拒守勒保

督率將弁先將頭卡巖洞門攻克賊守禦愈力

勢難徑上躡探巖洞門右有小路尙可攀登因

派兵勇潛往埋伏一面由巖洞門進攻正奮勇

間伏兵已盤旋競上用火箭順風飛射焚賊寨

賊衆亂官兵乘勢拔開木城痛加剿洗賊遂棄

巢竄後山復經官兵四面圍裹賊無路逃生遂

擲械跪地齊聲乞命王三槐就縛解大京正法

三槐爲達州起事首逆遷延兩載卒就徽纒實

快人心奏達避暑山莊適當萬萬壽

前期諸藩蒙古扈從人衆靡不歡喜仰頌

保羅其清爲川北逆渠俶擾

寧箕峯繞徑火燎茨二載於營山縣之箕山屯

踞結屋山巔正面排柵三層山後卡寨林立曉
夜鼓角與大營相聞高均德阮正滢唐大信王
廷詔李全皆於左右立寨依之勒保德楞秦剿
之先破旁寨搶上箕山蕪賊棚賊見烈焰四起
遂潰又剿其後寨俱逃是時額勒登保自蒼溪
來至確子場聞張公橋有賊迎擊之大捷生擒
張漢潮之子正滢訊於二年與其父分股至箕
山附羅其清與額勒登保遇於確子場賊下山
我兵分截其首尾正滢策馬抵禦勢頗兇悍兵
勇擒之羅其清旣失箕山先營太鵬山爲三窟
乃走鵬山八卡侵尋占太鵬山形勢絕險週百
就之里西北有觀紫山龍台

山馬山溪三道山梁東南則鄭家山梁逶迤橫
亘中隔一溝爲寶珠寺其東北雙山子極高峻

居民舊寨其上木柵石墻均堅固因逼近箕山
漸遷避惠齡等破箕山後其清竄據此山分立
卡座竟成負嵎之勢軍營將領熟籌須將四面
賊卡攻撲方能進逼賊巢遂分兵四路彼此策
應果奪賊卡八斬二千人擒賊目劉士序等二
百餘人惟其清踞寺中糧食甚飽四門極陡險
分黨死守

濛洞諸兇次第羈

羅其清焚掠川北
至二年之久罪惡

以稽時日

貫盈其胞弟羅其書賊稱爲二元帥嘗在營山
等處阻截糧道十二月十六日惠齡額勒登保
德楞泰奏報疊次痛剿該匪由官山逼至巴河
賊匪鳧水竄上南北山連夜渡河緊追賊占虛
空寨復擊敗之追至白埡子探知其清兄弟匿
蔡家梁下溝欲俟官兵過後他往隨派兵堵截

溝之南北從蔡家梁兩面下厥礮洗殆盡其清
率數百人匿濛子灘洞中遊擊喜明等由手扒
崖進洞搜捕其清尙持刀抵戮衆兵憤欲鬻割
副將德寧等大聲曉諭不得亂殺遂將該逆及
弟其秀子詠福一併生擒而其書衝出投
河亦爲官兵矛傷擒獻羅其清大股肅清 麻壩

覆巢爭汲路

已未 通江之麻壩寨北面懸崖
峭壁無路可攀東西南三面路逕

亦極險仄羅其清同起之冉文儔屯踞其地分
築寨門門外各設木城三惠齡德楞泰等於三
年十二月三十日直逼寨下斷其樵汲之路是
夜賊分三股撲營別隊砍柴汲水爲官兵設伏
擊退四年正月一日乘賊弛備德楞泰破其東
門惠齡入西門朱射斗阿穆勒塔克南門直撲

賊巢文儔手執大旗捨命衝出我兵衝入賊隊
該逆鎗傷仆地卽行擒縛鬻割及其子冉添受
鎗斃其弟冉大元大頭目苟子雨等

搜捕賊寨洗蕩一空

臣慶桂

筍河誘敵

用羸師

額勒登保既擒蕭占國張長庚於譚家山聞冷添祿在岳池縣劉君輔方躡之

間道與會該匪屯悅來場當派楊遇春穆克登
布於左右山溝密往抄截先令劉君輔誘敵額
勒登保由中路進遇賊掩殺乘勝追至廣安州
石頭堰適侍衛噶喇護軍叅領格布舍等領馬
隊各從左右抄出鎗礮所到傷斃無算冷添祿
箭傷後復被亂矛戳死獲其屍並所乘馬其在
前隊之賊千人官兵由茶坪壩全數逼赴石筍
河沿殺賊目符曰明此股首夥悉殲添祿王三

槐之師也難民脫難屠酋獻包正洪股匪自三月間朱射斗敗之於九龍山

楊柳石賊由雞鳴寺折竄雪雹山復於小茅坪

恃險抗拒六月十九日朱射斗督同將弁鼓勇

競上正洪鎗傷右乳身死餘眾潰遁追二十餘

里殺賊數百是時地方官方奉諭旨膽黃

招撫被脅難民趙耀宗等殺賊降賊誠降匿跡

目龔國發李雲飛徐必勝投獻

知線字號首逆龔文玉在夔州一路為傳教總

師封其弟奇位為元帥卜三聘為先鋒初糾

七八千人五六月間節次散出並於八石坪為

官兵剿敗後收集二千餘人德楞泰馳剿塗次

有偽先鋒姚先廷探馬頭張宗泰棄械投順先

廷發夔州安置而宗泰力請隨營效力告知文

玉欲往徐家壩就徐添德亟追之該匪竄至竹谿所屬之大禾田官兵兩路抄截賊亂棄械跪投者三四百人餘悉奔串虎灣山梁我兵奮勇搶上賊不能支退遁瓦房灣我兵乘勢下壓生擒文玉並探馬頭張尚國等復追至徐家壩東溪河邊適賽冲阿馬隊繞出賊前迎截計先後斬獲千四百餘名

逸向東溪叩失鑿

德楞泰之敗賊於東溪河也龔奇位棄其

乘騾隻身跳崖而遁嗣經搜山弁勇於香冲地方擒獲並龔文玉之子而該逆之妻李氏子三乙龔文玉之女月英先於

徐家壩就擒

臣劉 壩

御製 繫來後窖虎將狸

八石坪破寨時卜三聘攜其子女向後窖潛逸七十五分投搜

捕七月二十五日先獲其長子卜正順及其子女四名口越二日始獲該逆卜三聘與龔文玉兄弟勾結煽亂滋擾川東今其首夥各逆並要犯家屬全數殲擒一名未能漏網辦理實屬完善

營衝漁

渡繫長鍊

額勒登保由竹峪關截剿王登廷股匪於七月二十九日至西鄉縣之漁渡壩連夜

探知該匪逃赴青崗坪與齊家營合夥是夜號火綿長三十餘里殊形猖獗官兵即分三路進剿賊匪不能抵敵退奔土丫子山梁額勒登保由中路進發將賊衝爲兩段在後之賊經兩路兵勇殲斃無算在前之賊又被楊遇春截住生擒齊家營之僞元帥靳有年並齊王氏之姪女齊四姑及夥內賊目訊明半係荆襄老教賊

路絕鐵釘穿巨鉞

阮正滢股匪竄至雲霧山地在寧羌廣元

匪一併正法

邊界爲陝蜀之交經額勒登保於九月十二日率領將弁掩捕擒殺八百餘人餘賊衝爲數段逃竄官兵乘勝由鐵釘山至長池老均山一帶窮追於附近林箐中搜捕男婦數十人內有該逆徒弟翟士連及僞先鋒劉侯宗等供稱官兵逐抵鐵釘山時親見阮正滢身受箭傷又被官兵矛戳滾跌下崖當將該逆年貌衣服詰訊明確次早派兵搜山於崖下尋獲屍身與翟士連等所供年貌衣服纖毫無異

一繫

一誅二潮涸

湖北襄陽縣人李潮素務農業嘉慶元年查拿邪教該縣給地棍劉相等頂帶

令旗令其指捕劉相等藉以爲奸索賄擅殺李潮不甘毆斃劉相起事二年與張漢潮合營漢潮者湖北棗陽縣張家樓人以占課爲生賊中推其出名而李潮實掌其事三年由蜀至楚聚得二萬餘人走河南

陝西復回湖北又竄陝甘一帶輾轉蹂躪經五省故
白號中張漢潮名爲劇賊四年九月初四日明亮與
綸布春在張家坪痛剿賊衆貴州守備楊正明臨陣
生擒李潮而遊擊胡定泰搜獲中矛傷死年老屍身
一具驗明左眼有肉贅左邊牙齒脫落一箇黃白短
鬚身高面長眼珠微有藍色與張漢潮圖形相符而
李潮見卽指認痛哭卽將該逆屍身碎剉陝甘楚豫
軍民間知無不額手稱快李潮所供雖未必盡實而
地方官辦理之
不善亦可証矣

忽高忽郝兩家疑

德楞泰奏報高家營大股賊
匪前在平利剿敗後逼入太

平境內賊復竄我兵追擊先後殲斃投出者千
餘人訊知首逆高均德改名郝以智在五塊石

翻盤頭山逃竄十月初六日德楞泰親率將弁
冒險分進搶上山頂由心子溪至大市川轉戰
百二十餘里殲賊千餘生擒均德並伊叔父高
二卽高成傑又獲黃號僞元帥王臨高等斬藍
號僞元帥曹明魁等均德襄陽三合鎮人父成
均先於乾隆五十七年邪教案內正法均德於
五十年成傑於四十八年習教皆以宋之清爲
師自嘉慶元年三月起事肆擾楚蜀陝甘年來
忽無下落執訊方知其改名避
兵而以高二爲囫真點鼠也
通名漫賈稱戈

勇 獲高均德後德楞泰截剿各股賊匪自西鄉
折回行抵鍾家溝見有賊五六千人從巴山
老林山下舊司河大壩關而來見官兵卽奔德
楞泰派兵於大安邦大壩關羅家壩等處堵截

免致西竄川境是日斃賊八九十名生擒劉文士等三十七名賊急向大安邦涉牧馬河屯踞大爺廟山梁抗拒我兵奮勇殺賊二百餘名內一賊自稱張士虎手執長矛力戰我兵亂箭射斃追斃百餘人生擒傳教首逆劉學

易姓偏窮

抱布蚩

達州石亭舖人王登廷本未習教因州役妄拿其叔父學禮衆憤殺差反與徐

添德等互相勾結屢抗官兵十一月在東君壩爲阿哈保所敗南江縣鄉勇於大河口空房內盤獲經被擄逃回之難民張順貴認係登廷且知該逆左手六指右臂有三處鎗傷質驗相符供稱衆人被官兵追殺四散因隻身藏石崖內贗作難民逃生人問輒云賣布姓張遇賊搶布

受傷支吾數日今
日出覓食被縶

買餽蒿溝人少伴

庚申 那
彦成台布

等冒雪進兵由蓮花石等處進擊高遇春等股
竄匪敗賊於小油房訊知遇春窮蹙潛往他處
勾結派員改裝躡線購之遇春先匿西河冷耀
進耀禮家復扮難民同耀進等眷屬遷往紅山
洞行至蒿溝因卡寨盤詰嚴禁遇春遂隻身東
竄於藍田縣張家坪飯店內拿獲供認不諱並
據孝義鄉勇將冷耀進耀禮及遇春差往九間
房上靖川勾結之毛天成范勝川併獲正法
臣董
著紅蘭口馬誰騎
二月二十日川匪唐大
信龍紹周王金柱等分
股竄入陝西安康縣界直趨張家梁逼近興安
府城總兵慶溥迎擊於磚坪賊據山恃眾抗拒

我兵仰攻鎗斃穿紅馬褂騎馬賊一名乘賊勢
披靡撲上山梁斃斃二百餘名餘匪潰向藺河
口東竄復夾擊於方家埡俱騎馬翻南面大梁
奔逸又擊之於繁葉梁斬馘及落崖澗死者甚
衆生擒余二幅等供稱鎗斃穿紅之騎馬賊
卽首逆王金柱戮屍梟示餘賊仍竄入川

戴

翎條割牽營線

賊偷渡潼江德楞泰急赴之於
二月二十二日在武連驛探得

劍州之元山場等處屯聚賊衆欲向彰明江油
德楞泰由小路遶追至張村埡賊方圍烏龍寨
危急請救直前敗之轉戰至新店子賊巢賊蜂
屯蟻聚占山阜九處約有衆三萬馬三千見官
兵搶上黃茅嶺遂分四路迎戰我兵亦分四路
並進見有身穿蟒袍草帽上戴花翎賊首二

人分路督戰官兵馬隊追擊其一墜馬被縛一
箭傷脫逃尚有戴花翎賊目一人鎗擊落馬卽
被曳去乘勝殺入新店子伏賊突出相持兩時
之久賽沖阿溫春等俱被重圍德楞泰救之始
解蓋其狡惡如此生擒賊目訊係線號陳得俸
箭傷右手者藍號冉添元鎗斃者添元之弟添
恒號四元帥俱渡江五股內著名首逆賊敗去
棄大礮六於新店子池內難民趙廷文稟報撈
獲之挂白偕縻立幟於川西五股賊匪經德楞泰
於江油一帶擒渠痛剿竄

至劍州屬之李家坪德楞泰進至關帝垭遇賊
三四千人不接戰卽走我兵追擊直抵石門寨
其寨南北圍長五六里各一門兩旁俱懸崖賊
踞險據守德楞泰往來策應見寨西有一角門

路極險仄盤旋可上賊亦稀少卽將南北二門
奮力攻擊使賊無暇密令兵勇從右首溝底繞
上西角寨門屯弁森格爾甲獨身跳入手刃數
賊衆兵砍開木柵衝入兩門殺賊千餘墜崖死
者五六百人生擒偽總兵李斌有陳得俸妻郭
氏身穿白衣旗上大書替夫報仇四字一併正
法賊始欲於李家坪等處誘官兵來追先設伏
石門寨伺半衝截爲官兵先洗其寨故敗其地
距大江不過數十里

四寨解圍紛棄械

賊過嘉陵江後遂由南部鹽亭狂奔

至王家嘴淌渡搶船過潼江德楞泰星夜渡河
由太和鎮赴十字嶺緊躡賊蹤探知賊大隊現
屯蓬溪縣之新店子又分圍附近之成谷太和
仁和仁義四寨德楞泰鼓勵兵勇直搗賊巢賊

殺連天賊措手不及牲畜衣包概行委棄奔占
打銅埡口尚復擲石放鎗捨死抗拒旗幟林立
兇悍萬狀官兵無不一以當百賊黨渙散不支
紛紛向天星橋而遁四寨之圍同時立解時三
月二十二日也是役殄除首逆雷世旺卽雷四
王及傳教老師孫老六乃襄陽掌教賊營元帥
皆聽其號令

臣朱

珪

雙江夾岸競陳尸

藍號股匪以官兵正在川西追

剿白號未必卽到潼河遂出太和鎮竄回計圖
避兵肆掠時德楞泰緊追白號餘匪自觀音寺
至開封廟探聞白藍二號合竄江口官兵逐之
時賊正在江口陳家渡龔家灣柳樹灘四處搶
煤炭船渡嘉陵江德楞泰籌度地勢先從江口
柳樹灘兩處下壓殺聲震地投河淹斃及舟中

中礮者二千餘人復分兵夾岸兜裏生擒賊目
柳凱等八百餘名潼河東西兩岸一律肅清

信探募役還充俎

徐添德在達州起事時汪瀛
由探馬頭爲北路總兵後與

王登廷合夥王逆被擒後青號匪衆卽推伊爲
元帥同藍白黃線等號賊竄渡嘉陵江節經官

兵剿捕在漩河口棄馬隻身免脫閏四月間該

逆聞大營招運糧夫欲圖在營探聽同號信息

改名汪升前來投充經達州眼目蕭文魁指認

密稟就擒檻送成都設偷渡後被害文武官牌

位將該逆凌遲剖心致祭

課好戕官竟莫卮

達州

以彰國憲而慰忠魂

金堙場人何上達素習六壬遁甲爲賊中軍師
擄得人歸其總管漢仗好者割辮充戰手老者

不願者衆人皆切齒三月間擾大竹縣知縣張位中陣亡五月該逆等由鶴遊坪分竄江岸窺伺大江涪州酆都長壽江北廳各處告警賊知官兵將到復向西北折竄德楞泰自隣水迎截冒雨邁進乘其無備於星拱橋七孔溪秦家場連次接仗殲擒不可數計研訊各獲犯當有兵役等指認中有何上達係戮死張知縣者該犯始猶狡飾經衆口質証自認占得好課戕官得勝德楞泰合繕寫張位中牌位

委員前往將該逆寸磔致祭

樹下龐涓全係

頸龐洪勝湖廣人流寓陝之洵陽列肆鬻米家頗饒素習白蓮教三月間伍金柱招之偕其妻及子女二十七人入賊營金柱與之契五月敗於手扳崖欲東竄山陽先在大小銅錢窖屯

紫德楞泰分兵進逼賊初搶上嶺繼奔下溝欲
翻山而遁山係石巖無路可出捨死又下大焦
溝竄橋亭子石板溝一帶官兵前後夾擊斬獲
五十餘人洪勝斃於溝內獲其子有兒年甫十
二見父屍痛哭言其家或死或
散已無一人存者 臣劉權之 曲中楊叛枉除

髭 楊開甲等在茅坪邵家溝沙壩寒風洞一帶
焚掠并劫洋縣所運軍糧甚形猖獗五月二
十六日扎克塔爾楊遇春等追至七盤溝嶺賊占
左右山梁官兵先礮轟左山梁之賊乘勝衝上
鎗箭並發穆克登布截住右山梁之路綸布春
等翻出右山梁後夾擊將賊隔為兩段我兵追
剿豐越重山將至茅坪首逆楊開甲與執旗兵
黃金玉互拉墮馬楊霖取其級又獲探馬頭鄧

明元湖北人被擄從賊開甲喜其善騎常與飲
開甲本黃鬚恐官軍記認生擒之於五月初薙
去
吳堽穴灌霖方積藍號賊自通江入南江屯
於長池壩圍知縣裘良駿

於李良寨分攻裕成寨羅台寨元山寨告急求
援德楞泰自巴州方山坪移師前往欲分救各
寨慮兵力稍單時連雨料首逆必不肯親攻寨
碕遂直搗長池壩巢穴賊猝不及防登時潰亂
共圍寨各逆聞信俱奔救我兵分投掩殺由白
石崖追至吳家堽獲藍號鮮中青訊係冉添元
義兒樊人傑封爲元帥與冉添泗張金連賴掌
櫃齊國謨同走賴掌櫃亦於是役爲官兵所殺
其張金連業於上年十一月授首乃德楞泰在
通江空木河所殲因未獲級不敢具奏茲始得

其翟集垣理日木移 七月河南邙縣寶豐起事
實 布政使馬慧裕聞信率兵

馳往剿辦初七日進抵寶豐之翟家集其地舊
有土垣約周七八里不知創自何年緣楚匪逼
近豫境居民修葺圍墻堅實四門石砌近為匪
黨據為寨官兵搶過寨東溝沿賊眾退入寨內
閉門連夜攻擊初八日破東寨門大呼迅進擒
殲偽元帥李岳偽總兵孫繼元王哲等匪數千
餘人全行洗蕩寨未破時猶樹天王劉之協
旗而之協先已逃出為葉縣所繫事具前 敗

後羸逃魄先喪 徐添德大股賊匪經明亮迎截
未入陝境即由鄭縣穀城界東

奔官兵自二竹房縣尋躡兼程急赴南漳之武
安堰賊正攻潘家寨兵至賊退占對面山梁官

兵壓過四道山梁逼朱家嘴遙見賊隊排立抗
拒官兵由山坡沿河包裹愈逼愈緊殲擒無算
追殺百餘里正在撤兵聞山後突出馬賊三四
十人內有騎羸賊挺矛亂戳侍衛福翰江鼎恒
坤各射中一箭該匪落騎時自稱係熊總兵縛
訊稱徐添德聞官兵到帶領婦女子手先逃四
路總兵兩路隨去特留兩路接仗其
一王青一卽熊方青也

臣祿 康

御製戰餘溝卧瘠寧支

湖北襄陽縣人陳傑舊從李潮習教後與劉起榮高均德張漢

潮等同起七月間被官兵剿急由老山翻過棧道欲
出棧入南山楊遇春格布舍等料其必奔迎母寺王
家楞一帶約期分路逼剿於十五日追至該處陳傑
在大石板溝內卧匿兵勇乘其不備奮力攪殺陳傑

被箭受擒

姪誠罪首叔功首

鮮大川初同羅其清在巴州起事後與苟文明

合夥經德楞泰勒保於定遠岳池廣安等處連日窮追該逆竄至儀隴蒿枝祠典史倪霄督同寨首陳朝會等派調團勇截堵生擒副元帥吳效古殲斃偽總兵蘇映品偽先鋒劉興科等次日該逆復來攻寨以銀五百兩求贖吳效古陳朝會不允鎗傷其左臂該逆逃往巴州欲向韓家祠寨首伊叔鮮文芳處藏匿先遣旗首鮮文屏楊士山赴寨密商鮮文芳等勸以擒殺鮮大川即可將功抵罪二人應允約為內應七月二十一日三更鮮文芳鮮文欽鮮元明韓毓連等帶領百餘人前往聲稱大兵已到鮮大川甫欲逃逸當被鮮文屏楊士山用矛戳斃隨行賊匪

楊昌仕等十二人一併殲戮獻級梟示

昆已先墮

季後墮

曾柳死後其弟曾印繼爲元帥五年七月間
隨伍金柱在階州地方滋擾疊經阿哈保穆

克登布於竹碇子栢楊林柳壩佛堂寺等處跟蹤追
剿二十五日我兵分三路進發愛星阿亦帶兵搶上
大巖山梁往下壓賊桑吉斯塔爾又於六峽子溝沿
途兜截該匪因四面俱有官兵尚招呼黨衆佔聚三
座大山我兵合力環攻愛星阿射中騎馬指揮之賊
一日之內殺賊至一千六七百名驗級有李彩朝等
七名生擒探馬頭侯長富等十一名指認射斃之賊
乃曾印而伍金柱以階州二千餘人夜竄太平河以
去

金柱傾斜併房燬

伍金柱既敗遁由太平河伏匿
老山官兵乘勝進逼八月初三

日探有賊在西山楓香溝石觀子溝等處楊遇春迎
頭截擊賊稍退却折奔溝內其地樹林深密楊遇春

欲驅出峽溝痛擊而路徑崎嶇綿長天晚時賊匪排
列山梁恃高據險喊聲不絕適格布舍帶領馬隊官
兵抄在左山梁之後鎗箭並施豐紳又帶步兵堵截
賊始畏懼下奔楊遇春等於黑暗中率兵攪殺時已
昏闇燬路旁草房數間照路追出溝外大獲勝仗次
日查訊先後生擒之賊並搜山拿獲之羅開允等三
十餘名俱稱伍元帥已經鎗斃嗣有爲賊裹脅背鍋
自行投出之王添伍據稱伍金柱之弟伍三年十八
九歲昨夜二更後逃回說伊兄小腹受鎗穿出胯後
呼人速往擡取旋聞擡到半坡身死伍三同副賊梁
三掌櫃以伊帥字旗並所騎之馬入空房
焚其屍係伊親見並逐訊獲賊言皆相同

銀門折倒共山虧

陳傑就擒時供有周天緒一
犯係同起事老教先帶四五

十八人入冉學勝股內經額勒登保檄知陝西巡撫台布於老林中嚴密搜捕旋據台布奏飭員選派能事首領在銀門空罐子山拿獲周榮訊係陳傑之師并據供陳傑因我是師傅恐官兵拿我所以隨口混編營內並無周姓

雨天八廟燈破鏡

湯思蛟廣向瑤劉朝

選趙麻花等在東鄉境內被官兵剿急合夥出長壩過河七十五督兵往來衝截廣向瑤趕入趙麻花前股向官渡奔竄劉湯二逆折向下八廟而逸七十五敗之於豐城又敗之於大團包勒保馳抵尖山坪於大雨中在倒流水地方接仗大勝斃賊無算湯思蛟之兄副元帥湯思舉及偽總兵王三槐屍身經所獲賊日王曰榜指認明確當卽斃梟

月夜千江唱

子推

太平縣知縣具稟軍營云唐大信與張子聰合夥後在干江河一帶遊奕屢至附近

寨洞滋擾有白水洞囤積兵米賊時來覬覦寨首龐罔然恐賊破洞劫糧計先發於八月二十二日商同各寨首抽出了壯團勇五百餘名乘夜潛赴賊營吶喊放鎗該匪等正飲酒歌唱猝不及防掩擊斃賊百餘越翌日有逃出難民馮萬景告報是夜賊眾將唐大信昇至甘龍礮因胸受鎗傷殞命賊眾立李顯必為元帥屠牛祭旗欲來報仇次日果來攻撲聲稱為唐元帥報復寨內先已有備禦敗之向後烟山黃溪河道花遇颯狂連理折德楞秦勒保等聞趙麻花從大寧老林由香坪桂壩一帶折回即自江口迎剿九月十七八等日冒雨趨

渡溪河值賊正從寒池壩向大水田竄來德楞
泰由溝內迎截勒保由右山梁下壓賊迎見官
兵卽奔馬鞍山欲倚險拒我兵鼓勇上撲紫據
山頂因賊潰入箐林卽於四面拿卡露宿一夜
曉卽進林搜剿趙麻花身穿紅額倫袋率殘匪
數人向東逸經四川步兵何有富矛戳倒地割
級呈驗并獲其妻張氏供該逆本名易應徐添
德之徒於汪瀛死後始稱元帥來大水田迎其
師云臣槐因燧滅結根菱趙麻花被殲後股
紀昫王珊卽向雲陽高
陽開縣奔竄九月二十四日我兵追至大茅坡
值賊造飯追擊至磨子巖訊俘目鍾應昆知王
珊在濫泥溝身帶箭傷不能行動經官兵矛戳
斃命餘匪竄八廟橋爲新寧縣保全寨截至觀

音嘈又擒王珊之師李思槐係徐添德之徒衆
稱爲四老師傅者此股首駭剿淨川東肅清而
由陝竄入者通江縣報軍功首郭俸敗之金溪
河擒僞總兵魏超巴州報元山寨團勇敗之伍
家河蓋碕寨固
匹雛詎耐膏鋤刃
齊王氏餘黨
銳賊愈耗矣
係伊夫姪齊

國謨爲帥楊開第自其兄開甲被戮後自立爲
帥與李炳等合五股賊衆凡八千餘人在川陝
邊界遊奕滋擾因棧道有兵防禦川東川北團
寨嚴禁無可擄掠欲竄渡嘉陵江十一月二十
七八九等日經德楞泰自渠縣巴州追剿與勒
保夾擊大敗之是役也殲首逆齊國謨於官陞
寨楊開第於栢林場先後擒僞總兵熊魁元先
鋒苟文忠李炳之子少元帥李朝坤總兵王得

江陳文及楊開第之師余國明副元帥馮中謨等官兵掩旗疾走夜宿低坳不舉火以乘賊不意而經過之雷成寨插旗出九嶺寨圍勇俱下堡助戰故得此快捷李炳顏勝可魏棒棒等先走餘匪散藏老林歸入陳朝

寸鐵寧容鑄大鎚

觀夥內川北幾於掃蕩矣

長麟奏報由廣元竄至寧羌之賊據逃出難民報稱頭一股係張士龍叔姪二辛聰三楊開第餘黨新立元帥王姓四魏棒棒李裁縫等共數千人會合一處併力攻撲陝西卡隘圖入南山度歲卽派兵勇分投追剿敗之於陳家壩鎗斃騎馬賊目一人訊係張士龍股內僞總兵魏元伏辛聰於燕子崖敗遁王姓敗於巫山岬其魏棒棒等一股於十二月十九日經官兵追殺至

崖方坪冰雪中搶上山梁擊敗逃散於道旁空
屋內擒賊首李裁縫供稱卽李得楊四川廣安
州人三年九月間被楊開甲辛聰裹入營內竹
爲鍼工後見其悍鷲派當先鋒遂舉爲元帥

峪雲遙奔不到

辛酉 李炳陳朝觀張士龍辛聰阮正朝顏勝可魏棒棒等逆

之由老林竄寧羌也陳朝觀辛聰等復分由通
江竄西鄉惟張士龍等尙在通江境正月初四
日勒保師次黃龍背連日進剿殲擒甚多訊之
生擒賊目云此股係張士龍爲首共二千餘人
要往竹峪關與辛聰陳朝觀合官兵追及搶逼
大山張大元帥臨陣亡命趙二掌櫃及李總兵
皆被擒隨於各賊內指出趙建功李大
惟二犯並獲士龍首級

臣豐紳濟倫

桐河流

竭苦相持

德楞泰由安康取道洵陽追及高二匪黨不令東竄至山陽桐浴河探得

賊由黑山折至乾溝屯聚距縣城數里若由高

壩店東走卽至漫川關或入楚境或奔豫境均

爲可慮德楞泰連夜督師兜剿逆匪驚潰甲兵

色克津保衝入賊隊生擒指揮督戰賊目一人

匪黨大敗占據左高山猶擲石如雨捨命抵擋

旋向北遁德楞泰恐其竄出商州蔓延藍田等

處當令馬隊由下關坊繞出賊前遏其去路是

役共殺賊千餘名獲犯千三百餘名其臨陣生

擒之賊目則襄陽槍沉騅逝俘都哭首逆高二

老教師龔如一也於正月十

三日在山陽縣境被德楞泰痛剿竄石嘴子地

方德楞泰以其地北走秦嶺西通藍田防其逸

入乃選精壯鄉勇八百餘取山內小徑冒雪前
進至野猪坪迎截官兵追者已到前後夾擊有
賊目騎馬持矛聲喊拚命爲吉林兵衝入賊隊
亂箭射死餘殲斃幾盡擒僞先鋒王儒等五名
訊稱高二掌櫃已於野猪坪射死將各級隔別
令其指認至持矛賊級并所騎馬衆俘一齊擣
哭確爲高二無疑乃設從前爲該逆所害之大
員王文雄札爾杭阿施縉等牌位將該逆首級
擣奠衆號褂朱旗衆所嗤黃縣徐萬福與樊人
皆快奮號褂朱旗衆所嗤傑同惡相濟偕藍號
白號各匪在陝西四畝地等處經官兵剿竄蟻
聚川北謀渡嘉陵江紅旗號褂假充官兵地方
官率勇堵禦幾於衆寡不敵適勒保先派之總
兵訐文謨從下游馳到鎗礮齊發相持一晝夜

賊偽向儀隴奔逸實欲南渡勒保察知其謀親帶官兵遏其來路由新鎮壩連夜追至碑灣寺將賊大隊痛行殲殄訊知徐萬福在木蘭寺中鎗落馬攢刃砍斃首逆就誅川西得以無虞矣

斷臂將軍讐得復

高二股內大掌櫃馬應祥乃馬五之從姪經德楞泰衝散

卽附入馬五營內竄至武關西溝欲由黑河過甘肅往四川龍安等處因知高坪場毛壩一帶官兵俱有準備又不能久困老林卽由何家巖南奔復探知大安寬川等處亦有官兵設伏遂北向蔡壩又西南向陽平關尋路狂奔我兵晝夜窮追每日行二百餘里楊遇春墜馬不顧沿途倒換卡兵前進至唐家壩將馬應祥臨陣生擒並戮斃偽元帥胡滄海等訊馬應祥乃上年

六月在西鄉與提督王文雄接仗
斷文雄臂陣亡者也
臣戴衢亨
賣牛老子罪

應纍
提督楊遇春剿辦高馬賊匪既於馬道黃
官嶺連勝窮追向川二月十八日在川陝

接界之龍池場鞍子溝一帶痛加剿洗斬獲甚
多臨陣生擒首逆王廷詔始驚其子捏名牛八

又最初於襄陽起事經川楚陝甘焚掠蹂躪衆
匪皆聽其鼓煽罪大惡極今就纍俘當
啟

鑿詣
裕陵敷土之前一日參旗井鉞陟
降
在天咸仰
神威昭著
聖

慕感
嶺鋼更恃關為鐵
賊中高二高三馬五最
為驍鷲流擾四省戕害

大員荼毒百姓實堪痛恨經德楞泰於野豬坪
射殲高二軍中志銳氣奮二月間楊遇春截擊

高三前股賊於舊州舖獅子溝鋼嶺等處殲擒
千七百餘名餘匪僅五六百人西遁黃洋河楊
遇春緊追其後股四月初一日至寧羌州之鐵
鎖關二郎壩奮力痛剿遂將逆首高三臨陣生

擒

豆煮何妨然者其

高三被擒時首逆馬五父
子及賊目劉元帥等悉就

縛高馬兩股餘匪全數掃蕩高二名添升高三
名添得乃從兄弟同高均德一族舊皆與馬五
合營上年四月自四川隆安回因爭路而鬩兄
弟鬩墻乃分營高二領閩慎珍慎高別去高三
與馬五同行 疇謂滾崖堪蕢命 五月二十日德
故駢繫之 楞泰於蔣家梁

安家溝等處剿樊人傑徐添德各股賊擒斬二
千餘人首逆陳朝觀帶傷滾巖未得下落恐其

藏匿山谷漏網遠颺因派撥弁兵搜捕並懸賞
於白河洵陽一帶碣寨嚴禁查拏嗣據洵陽縣
知縣嚴如煜報稱裕欣寨寨頭陳思揆等已將
藍號首逆陳朝觀及其弟朝榮及青號元帥李
順安探馬頭熊學富等一併擒獲羈寨候示德
楞泰飭令押回縣城驗明訊實辦理

臣德

瑛

御製

其如殺馬乍充饑

德楞泰奏賽冲阿等追剿徐添德由蕭家壩日行百五十里及

之於紫陽縣之任河新灘擒賊趙玉等訊稱五月十
七日徐添德到任河欲入老山覓得小船渡至三次
添德入船擢至灘口雨後漲高二三丈舟覆淹斃有
太平縣客民朱復興避賊上樹親見其事續獲已過

河之賊李義明等詳詰據供十三日在西鄉縣昆河
舖爲官兵衝敗十六日至馬鞍溝爲寨民堵殺是日
午後纔到新灘乏食殺所乘黃馬充饑奪船過河第
一次總兵王青第二次探馬頭劉學書各四五十人
第三次王青向徐添德喚渡有張萬福以人多挽纜
不放添德毆之猝行船至中流盡溺已過之衆欲推
劉學書管事不肯旋被追擒後經地

險溪漂沒凶難

方官於任河入漢處撈獲添德屍

逞

界嶺后坪在四川大寧縣與湖北竹山縣接界僞
元帥李顯必本唐大信夥黨後與唐明萬合於大

寧竹山及陝之平利跳盪出入乃三界關外三省襟
喉也爲阿哈保等擊敗於柳林店五月二十一日勒
保由界嶺移兵后坪督同阿哈保等冒雨追至店子
河其地臨東溪河連日大雨水漲該匪已入絕地抵

死抗拒官兵三面兜剿賊隊中有騎馬一人草帽上綴藍頂花翎怒馬指揮賊眾喊令奪路逃走我兵矛戳落馬捨命跳河溪流駛激漂沒無蹤訊生擒賊黨乃李顯必餘匪俱撲河淹斃無一人漏網者危

磴攀援骨盡

襄陽縣人伍懷志自其叔父伍公美傳習邪教與齊王氏之夫齊麟同正

法公美之弟公英即伍金柱嘉慶元年三月起事與

劉起榮齊王氏張漢潮合營分竄河南陝蜀又與曾

柳合營而別為老黃號以王光祖為元帥光祖以金

柱能偽封總兵光祖死金柱與曾柳並為元帥又得

龐洪勝之眾併裹脅有賊萬餘人三逆先後被誅眾

推懷志為帥五年敗走秦嶺秦嶺故南山中第一險

隘深林密箐中伏匿半載六年六月初一日穆克登

布搜追至寧陝地界我兵孫升魚貫分投剿捕謀知

賊在一層巒上四面斗絕從流水凹中得路官兵衝
枚直上痛殲其衆該逆與賊目六七人由層巖飛躍
而下見各賊俱被擒獲急掣佩刀自刎我兵生縛之
及偽副帥胡長盛先鋒李世雄等一一磔梟於是漢
江北岸
火器碎轟灰二豎
楚兵堵賊於興山長房河
肅清矣
一帶敗之於堆子地方賊

竄黃家山東西出沒無常而房縣西南灣腰樹有賊
數百人由夔之大寧闌入全保截之於寶石店於是
長齡走劉家灣七十五走菌子扒俱向黃家山各抵
老林山脚懸旗幟爲疑兵以大礮轟之賊不能存在
丙夜突出官兵迎剿步賊敗退後有馬賊撲進領隊
二賊爲連環鎗所中而墜羣賊急負屍去兵丁鄧明
直前奪回其一斃賊二百餘生擒曾正修供中鎗墜
馬負去者黃號頭曰張萬林奪獲者白號偽總兵彭

良材也

伏兵盪决橫

去聲多時

劉大青者首逆劉朝選之姪六月間吳熊光等追剿

湯劉二逆初九日敗賊於楊家臺山乘勝至茅家河沿又敗之忽有賊約二千餘從右林內抄出分數百人繞我後路圖斷糧餉我兵奮擊擒馬上穿紅褂賊日時已逼賊至簸箕山伏兵兩面突出攬殺又斃執旗賊目卽劉大青也賊立奔其穿紅賊目訊係黃號總兵鄧起華現充開路先

襄裳計巧區深淺

由陝入川之賊藍號鮮俸先苟文通自馬渡關

鋒

竄東鄉之蝦蟆口青號何子聰自太平固軍壩與之合勒保偵知急趨之六月十四日抵樊噲

店賊方攻仁和永興二寨距七十里官軍馳至奮擊寨民吶喊助勢賊遁追至尖壩河官軍占淺灘賊急從深澗泅水溺四五百人官軍渡蹙之衝天嘈賊殲馮提訊獲匪有戴翎賊目卽何子聰又有藍號鮮文順者供其姪俸先爲官兵所殺苟文通溺死驗級皆實

控轡神

驚失指搗

白號賊首王國賢一名鎮賢與官兵接仗首先臨陣最爲狡悍四月杪與

黃號張萬林由陝入楚萬林率衆撲營受鎗傷各匪勢漸衰敗吳熊光等兇剿於帽子嶺迎殺數十名賊折而逃官兵馬步隊追之忽左右叢莽中搖旗吶喊擁出多人悉力衝撲我師三面連環圍之殲敗無算賊中有控馬者一人前後指揮勢甚兇惡爲兵賀應彪戮斃旣追剿餘匪

後訊之活賊則王國聚族而殲靡孑矣青藍黃

賢也傳首被擾地方三號餘

匪聚眾二千餘在巴州境內賊營元帥則徐樊

王劉四姓也阿哈保薛大烈聞信夜進至龍泉

壩賊已竄石叟山前有去路恐賊聞風逸先派

弁勇於龍鳳啞酒占垵土地啞三處理伏兵抵

石叟山賊果向土地啞進而遇覆即回撲正相

持間兩路官兵合攻之賊勢亂忽呼三王爺被

捉當拚命奪回三王爺者徐添德之弟添壽也

賊匪分投抗拒我軍四面衝壓始潰散是役并

擒添壽子大寬姪大朝王登廷之弟王擇賢以

登高子文科皆渠魁親屬下溫布

讓偽為之賊狡猾難測往往數人一名虛張聲勢以牽制官兵被獲時又或妄認首

逆以緩追躡六年春四川獲二逆訊爲王士虎
冉添泗至是八月額勒登保駐西鄉縣之涼橋
探小巴山有賊欲奔松樹壩楊遇春追之是
日午後冒雨進攻賊知勢不敵且戰且走我兵
料其中必有首逆奮力追殺縛賊首王士虎在
冉家營先爲總兵後爲元帥者續於茶陽河追
獲冉添泗乃冉文儔之從子添元親弟也添元
被擒於太和鎮衆推爲帥以讓士虎而自爲老
掌櫃同解大營審據確實川中所獲

眼青善走

衽金革

冉姓賊皆蜀人而冉學勝世居襄陽縣
黃龍壩故與張漢潮同反依劉起榮爲

藍號戰手再入陝再入川累與官兵鬪四年藍
號敗起榮之子允勝推爲元帥走甘肅回安康

欲穿南山道商雒入豫阻於武關轉鎮安漢陰石泉六年三月掠於大壩由鳳縣到汧陽秦州敗於隴州草白峪謀往固原掠糧馬敗於張掖舖涉渭及漢遁黃安壩流徙鄖陽興安間大敗於八道河遺孽四百人翻兩扇門至徐家壩返太平縣之高觀寺又從爛泥堽越巴山老林抵通江之空山壩八月一日會齊家營二日會高家營遂與高家營議往南江廣元趁熟初七日在盧家灣官兵由朱家壩抄及之棄馬投崖官兵跳從之急引佩刀自戕兵赦吉高奪其刃謝加林陳永安共縛之高家營賊多死學勝生而左眼眶黑賊中呼爲青眼高冉元帥軍中亦傳之劇賊蹂躪最廣供吐背潰多創缺斧錡通江縣之頗詳摘敘之以著其罪

佛頭山菩提河出其東天平河出其西皆要隘地也額勒登保剿高逆餘匪兩路逃走我兵分追九月二十七日楊遇春抵沙壩適與西竄之賊遇訊獲犯知東竄者辛斗爲首旋據格布舍等報稱在小樹壩聞賊欲北遁卽由小道往堵賊竄上山梁官軍棄馬徒步直前追擊有數十人擁一賊奪路欲奔副將張瑗等鎗箭齊發背受數傷把總楊陞新勇張朝玉縛之認係首逆辛斗該逆亦自認不諱次日搜山又擒僞先鋒蔡坤和僞總兵李貴蘇啟志並老掌櫃敖正道霧重宵長殘噩夢

先是獲龍紹周之妻供該逆年三十二歲兩腳腕各生毛

長二寸又賊中投出情願効力之楊正理等僉供該逆右髮際有疤痕右上齧虎牙缺半無鬚

軍中以此指認九月二十六日官兵追龍紹周至竹谿縣之上鷺坪時已薄暮雨雪交加南江河漲發是早賊掠漁舟渡竟卽沉之官軍至乃伐木作橋進屯瓦房溝該逆屯岳家坪在盤龍山藥山老扒前徑險不可騎其右新寨子後有間道出其背分兵扼之天甫曉大霧不辨樹木銜枚衝進賊方卧有向火者急呼官兵殺到驚投藥山老扒遇新寨後兵返走有賊軀幹甚偉穿洋獾馬褂疾走觸木而踣刺其背猶起奪連戮始斃驗之龍紹周也壁立萬仞無所逃賊皆盡賊有黃白青藍諸號至是

日就衰蹙云

臣彭元瑞

林寒曉渡染流漸

冉添泗王士虎一股於八月間爲大兵衝散其總兵龐思宇率七八十人向通江西鄉一帶老

林藏身後遇張添倫等股零匪湊聚二百餘人
時天祁寒賊因老林不能存身出肆掠適額勒
登保擒朱印等探聞黑虎廟王家坪有賊分兵
剿之十一月初三日黎明楊遇春等抵周家溝
賊已於四鼓時向高家河遁我兵尾而殲
之賊目龐思宇及探馬頭楊應學俱生擒死如

莫禦焚如慘

我兵既破龐思宇餘匪零星四散
格布舍楊芳追之於四季坪熊洞

子搜山殺賊并獲李彬妻冉氏王士虎妻郭氏
鮮俸先妻王氏賊有奔民寨被擒獻者有本係
附近居民寨民收留者惟冉添潢欲尋李彬合
夥領矛手百餘人燬旗幟晝伏夜行向秦家河
西去格布舍等探知先派鄉勇由小路迎截抵
鎮龍關遇賊其地有蒙家寨山深林密賊竄踞

其間官兵四面兜圍縱火焚林烟焰燭天賊衝
突而出官兵直前斬獲靡遺生擒首逆冉添潢
解營審訊係冉文儔之姪冉添泗擒後衆推爲
帥蓋世濟其惡幾於赤族矣同時通江有賊首
高見奇爲豐紳柔降者翻銜岷者悲辛聰竄往
吉斯塔爾等擒之棧東後復

由沔寧闖入廣元之大黑灘登碑堦一帶適叅
將朱槐等追剿李彬餘黨師次該處探知辛逆
正在附近村莊滋擾分兩路夜擊朱槐等由大
佛寺烏牛坪遏賊前都司余步雲等由關門子
鷺項嶺繞至賊後賊自五寶山向老林奔逸官
兵併力攻圍當有左國舉等二十餘人棄械跪
投辛逆率領五六十人尙猛力衝突鄉勇頭目
等將辛聰生擒該逆係湖北老教與張漢潮同

時起事於楚蜀肆擾有
年今得俘繫足快人心
趙傅格心經久識
首逆李彬

鳩餘黨二三千人肆擾川北上年冬於通江之

蕭家坡剿敗隻身奔逸偵探未獲二月二十五

日道員劉清探得李彬復糾殘孽約三百人由

南江廣元交界之趙貴河竄至鐵廠坪該道傳

派寨勇遏賊西竄及入老林之路親率鄉勇逐

抵楊家壩分遣軍功等於白巖山五方坪設伏

以備夾擊正隊趨鐵廠坪附近各寨亦鎗礮齊

發賊猝不及備尋路逃遁兩路伏兵齊出奮力

圍殺新勇趙文相傅文德生擒李彬李元受獲

辛聰之弟辛文新勇者本賊中投出充鄉勇故

能識賊首當卽賞銀三五

百兩有差
臣恭阿拉
魏張喪膽快同糜
三月

初十日總兵田朝貴大敗賊於木箐壩探賊由
巴州之陳家坪竄土地堡距七八十里官軍夜
發十八日黎明抵金子寺四面圍捕賊再三衝
突皆被截回斃左髡黑子賊一人有賊二人奪
其屍亦斬之獲賊二百二十八名內有張廷舉
訛稱襄陽張家村人父添美叔父添倫習教於
王廷詔在雙溝起事經楚蜀陝甘往來肆虐五
年添美死接手管事衆呼爲三掌櫃此股係張
家魏家兩營添倫是總元帥陳國珠是元帥魏
學盛是總管戰敗時添倫爲官兵所殺國珠學
盛奪屍同死學盛性急戰時落後者槓
以木棒賊中呼爲魏棒棒亦劇賊也

代兄頭

目竿標級

線字號股匪自龔文玉龔其位卜三
聘等剿滅後剩百餘人連年在巴東

興山巫山房縣等處老林往來藏匿隨時擄脅
又得五六百人龔其位之弟其堯爲之頭目漸
至奉節滋擾德楞泰探知該匪屯奉雲交界之
坂廠溪督兵進攻至鳳凰頭大山復派兵由二
台坪抄去沿途各碉寨均極嚴密我兵窮追至
雲奉溝過紫峽河直抵小神堡將線字號殘匪
盡數殲除龔其堯已於鳳凰頭山上接仗時傷
斃割取首級確驗屬實老教師總兵李世漢國
珍父子及僞總兵余佐志唐大高旗手趙思文
王得勝等亦皆就縛與擒李彬同時根株翦盡
矣
痛子心腸柴折枝
惠齡奏報劉用受自二月
十五日經楊遇春剿敗帶
傷潛逃總無下落嗣經額勒登保所派搜山軍
功廖友等訪知該逆於二十五日逃至大平峪

民呂文明家乞食文明見其身帶矛傷知是賊因憶其子被害於賊懷恨已久卽用柴斧砍斃不知是緊要首逆棄屍巖硯未報官該軍功等起出屍首山深氣寒尙未腐變令所帶眼線識認實係劉用受並起出所帶金鐲卽割取首級回營復令所獲活賊指認屬實餘匪陸續搜獲此股遂完竣

溺鬼重生網容漏

夷向瑤東鄉人冷添祿之徒也嘉慶元年

與王三槐同起又會徐添德分入白號五年八月官兵敗之於杜家灣該逆投入箭口河而未得其屍近年不知蹤跡本年四月二十八日川省搜捕餘匪於龍潭河遇賊二十餘人盡縛之詎稱有賊百四五十人係庖老師傅帶領內有張二掌櫃等匿元子槽古佛硯內遣出探信官

兵急赴之午至噪而前獲瑪二堂櫃卽張聖從
虜逆率七八十人竄鳳凰山遇官軍別隊擒四
十七人內有向瑤餘皆殲焉訊供前順溜隨淺
灘不死軍中眼目皆識之越二日別隊搜賊至
豐城偵有賊在觀音寨漏三下賊於草屋避雨
爇其屋刀矛齊發生擒二十八人爲首徐添培
乃添德之從兄改名鐵板道人豐城隸東
鄉縣王三槐等初起之地也

臣英和

御製救囚再僭辟筭辭

總兵田朝貴在通巴一帶探剿
楊步青至東君壩遇賊探馬擒

之知前有賊亟行進發值大雨賊埋伏青崗林內官
兵行近突出兵勇間有傷者銳與賊鬪遊擊薛陞從
山梁壓下賊始潰向二家坪貓兒埡散竄隨於獲賊
內指認賊級有俘鄭玉供內有首逆楊步青該逆向

在冉文儔處充總兵後隨冉添元搶渡川西上年額勒登保擒冉添泗王士虎時該逆一併被獲因王士虎再三供稱賊夥俱有投出之心只須一人前往開導即可解散當經給示飭令設法辦理自釋放後復入李彬夥內擾害川北嗣李彬被擒遂自稱為元帥在西鄉通江流劫額勒登保常為切齒今授首足快人心並於巴州黃成寨將犯

雙兒鳧水同漂骨

樊人傑曾

父楊景春提訊實認無疑

芝秀積年竄擾時合時分而樊逆在賊中輩分最大狡惡尤甚先經德楞泰逼剿竄入房縣山中五月杪偵得兩逆蹤跡因尾追之兵未能趕剿德楞泰即連夜督兵前追該逆等已由花梨溝孫家壩白鐵河竄逸於水深山險處倚恃伏匿我兵衝冒霧雨淌鳧暴漲追殺至馬鹿坪大山奮力攻擊賊敗逃至黃嶺德

楞泰於催督攻剿間見山下大河一道詢知爲平口
河腦草龍灘等處水深浪大不能偷渡隨督飭將弁
兵勇上緊圍逼而所派分路迎截之各弁兵亦趕至
奮擊該逆等已投絕地無路奔逃驅率賊黨盡數投
河淹斃兩首逆騎驟洶水被善水兵勇緊追拖拽於
湍溜迴漩中衝激淹沒無蹤並擒賊黨賊屬多名此
股樊會兩逆爲著名首惡

一狗投崖竟裂肢

首逆苟
文明與

今剿除淨盡竟無漏網

川省逆犯羅其清冉文儔等同時起事各賊首先後
誅夷而該逆輾轉奔竄肆掠於川陝楚三省之間抗
拒官兵最爲狡惡經額勒登保率數路官兵疊次搜
圍追剿總未就獲近將該逆家屬黨與殲擒殆盡僅
存三十餘人猶復竄匿於大山密林中因乏食潛至
花石巖偷挖窖藏包穀爲延喘逃竄之計額勒登保

因該逆出入老林蹤跡詭狡令將領兵勇分爲數起
各路搜拏六月十七日總兵李應貴搜獲麻溝藏匪
二名訊知苟逆藏匿花石巖就食李應貴等亦分帶
兵勇數起競進飛抵該處時已傍晚冒雨攻撲直上
山梁賊尙倚險抗拒我兵奮力剿殺令鄉勇內認識
苟逆之人指引官兵緊追趕殺該逆自知無路逃生
遂向懸崖跳下兵勇等覓路趕殺該逆骨折重傷僅
存餘息衆兵勇用亂矛戳斃割取首級梟示起事地
方積年巨憝伏

誅實堪快慰

羣匪蕩除倍修省

自苟文明授首以
來三省俱奏無成

股賊匪其零星餘孽敗殘竄伏於巒巒菁洞間出掠
食者不過數十百人時聚時散予以滋蔓難圖除惡
務盡勅諭行間將帥嚴密搜捕務絕根株如果全數
蕩平方隅寧謐治此內地亂民不與成功外域者同

科毋庸馳遞紅旗奏捷但用紅裏黃摺由六百里加
緊具報與衆共知歡慶十月十五日後節據額勒登
保奏於白楊溝火攻斃賊三四十人又於灤河殺賊
追戮僞元帥熊方青探馬頭劉宗林李秀平利竹谿
邊界殘匪已淨勒保奏於青山獲虜向瑤之姪元正
探馬頭陳世明旗手袁疤子夜於村店盤獲投宿首
逆湯思蛟德楞泰奏於黃泡池擒斬僞元帥陳侍學
及妻李氏總兵李學進先鋒羅金堂及子玉兒又勒
保奏於石柱坪曉擒僞元帥唐明萬總兵唐登明先
鋒李相富趙泳清又額勒登保奏於鐵燈臺擒斬首
逆景英三掌櫃蒲添香僞總兵賴大祥旗手王得用
楊中懷吳熊光奏於官帽山夜見火光緝獲欲入武
當山爲道士之首逆崔宗和陸續奏報前來是諸臣
搜捕餘匪勤力細心諒無誑飾至十二月十六日由

刻喜報抵京經畧大臣額勒登保叅贊大臣德楞泰
四川總督勒保陝甘總督惠齡湖廣總督吳熊光合
詞恭摺奏陳大功底定逆匪全數蕩平前後殲除羣
匪俘解京師者張正謨聶傑人張正潮覃加耀王廷
詔劉起榮王三槐劉之協羅其清羅其書高均德高
成傑生擒正法者張什高三馬五冉學勝李彬冉添
元冉添泗王士虎龔文玉龔其位卜三聘龔建王登
廷陳傑伍懷志張子聰徐添壽汪瀛王凌高李槐高
見奇庾向瑤劉朝選楊麟生辛斗辛聰臨陣誅斃者
林之華齊王氏姚之富張漢潮樊人傑張添倫徐添
德陳崇德冉文儔冷添祿林亮公林定相蕭占國張
長更包正洪李潮符日明徐萬富王珊李樹伍金柱
阮正澹龐洪勝鮮大川趙麻花宋國富雷世旺張士
龍劉允恭高二楊開甲張允壽張世虎龍紹周苟文

明蒲添寶魏棒陳國珠賴飛隴剿殄餘匪戴四趙
鑑張簡熊翠等統計首逆百餘人積惡頭目數百人
邪黨二十餘萬人悔罪投出者數萬人一律廓清擊
柝無驚受罙胥樂三省之輯寧同慶七年之兵革全
消等語披閱之餘感與懼俱言隨淚下深惟國家撫
有億兆百八十餘年仁政惠心淪浹深厚而莠民無
知自外覆載芟夷剿殄戚實自貽然而天心仁
愛必不以民之無良俾無遺育予仰承 昊綽父
母斯民豈敢諉諸刦運不思所以救之每歲當
三大祀升香薦幣之際虔肫默禱籲求 恩鑒亟
賜平寧卽深宮宵旰無刻不恐懼修省敬祈 垂
佑凡披章召見形之訓諭批答者欲臣民共體此懷
咸知謹凜今幸羣邪掃蕩黎庶乂安皆荷 上天
錫福卽如三省比歲屢豐任河黃嶺之役連雨漲河

一洗兇穢 天意昭然近者廣東永安之會匪安

徽宿州之亂民乍起即除迅速完善益徵 祐深

眷厚異事同功付以金甌纖毫罔缺惟有倍加

夔惕凜執玉捧盈之懼單奠孟調幕之忱仰奮

昊乾慈諸

夙夜而已

兩朝神武永昭垂

自 親政以來 皇上深悉小

民流離疾苦羣賊狡悍情形統帥之

勇怯行伍之情奮地方有司之廉汙勤怠察天

時之雨寒瞭地利之險易蓋靡不洞如觀火燦

若列星每奏章 閱下 殊諭頒來軍事

機宜數言而盡投膠入水聚米為山一軍皆驚

萬里不隔凡進退調度一切上稟 聖裁奉

行尚恐不逮故能蕩邪滌穢直若捲秋籜而炳

枯蓬成此不續用康又民臣等近依黼座

具仰朝昃勤勞當軍郵狎至間蒙宣

示快聆大捷而手諭先發指授方畧

皆出於睿斷在廷咸未聞知易繫辭傳所

謂聰明睿知神武不殺苞流飛翰軍威盛教匪

者為今聖主頌也流擾

五省一切征剿堵截所需兵馬甚多不得不於

各省調撥協助計調火器健銳兩營兵二十名

盛京二千名東三省五千六百四十八名直

隸山東山西江西廣東廣西雲南貴州等省派

出征兵五萬五千八百六十八名河南湖北陝

西甘肅四川有賊省分調戰守兵六萬一千七

百九十四名共計十一萬七千六百六十二名

練勇鄉勇不在此數居有月糧行有米菜勝有

陞賞勳有祭卹故皆同仇敵愾山苞
川流宜其克敵致果終奏大功也

驪駱駟駟

馬政司

馬則或由他省解往或由本省調赴軍
營皆咨報兵部嘉慶二年七月

特

旨將八旗各營直隸出青馬解營計八千匹餘
皆各省滿營綠營拴養額馬計直隸山東山西
雲貴解往者八千三十一匹有賊省分解赴者
二萬六千五百三十二匹共馬四萬二千五百
六十三匹此外尙
鉅萬儲胥豪弗擾

國家帑
藏充盈自軍

興以來所用餉需皆由部庫內庫發給及各省
藩庫關稅鹽課春秋二撥源源接濟未嘗絲毫
累及官民五年五月勒保奏酌議川省歷任總
督司道分捐養廉一摺不准所請並
降旨

訓飭以軍需所用不下十千萬各官所得養廉
不過十四萬以錙銖投滄海何濟於事而徒令
養贍無資辦公無費紛紛完納尤於政體不協
且此等捐項豈皆盡出已貲大吏取之州縣州
縣索之小民而不肖之員吏藉以染指層層剝
削波及閭閻官員博助餉之虛名百姓受捐餉
之寔害甚至謂出上意指朕不肯爲仰見我

皇上以愛民爲心却言利之說此所以人皆

安堵民不知兵

也 臣額勒布 連年蠲緩畝無遺

上保赤 誠求子愛黎

庶蠲紓賑恤之

詔無月不下無地不周而

於被賊之區尤爲軫念陝西湖北四川爲最重
甘肅次之河南亦曾有事賊氛所至殘刈田禾
焚蕪廬舍罄竭蓋藏壟少耒農家無饁婦連歲

失其耕鑿眈眈漸化汙萊又朝聞擊柝夕懼傳
烽近賊之氓不無流散其轉糧運械于役從軍
雖發帑不累絲毫究不無少資民力至或紓難
毀家不呼自集津貼幫費皆急公好義之良民
時厘 聖懷愛憐嘉歎是用 恩旨屢頒

於州縣地丁正耗鹽課雜稅有全行蠲免者有
蠲免十分之三四五者有偏災蠲而加賑者跨
越數郡頻仍累年 大澤闔敷有加靡已計

蠲免陝西省銀一百八萬六千兩糧八萬石湖
北省銀三百六十七萬六千兩米十五萬四千
一百石四川省銀六十三萬六千兩甘肅省銀
四十二萬八千兩糧七十一萬七千石草二百
一萬五千束河南省二十萬七千兩均有 裹糧
奇尚有未造報者其緩征帶征不在此數

橐飽來秔稻

軍中所用以糧餉爲最亟其輓輸之費發自官帑而米穀則出於倉

穀碾運隣省協濟截留漕糧三項計七年來將領官弁漢土官兵難民夫役所用餉陝西湖北四川三省動撥米三百四十萬五千六百二十九石有奇山西省協濟穀七百八十石有奇江

西省米二十四萬石安徽省米六萬石湖北湖南兩省截留漕米三十三萬五千五百石

補

額約增足虎貔

嘉慶四年七月奉

諭旨國

家設兵所以衛民自剿辦教匪

以來各省多有征調其在軍營打仗出力兵丁拔擢弁員者多將來凱旋歸伍自不敷原設兵額前已諭令各省督撫提鎮召募新兵除河南陝西四川雲南募兵較多所缺無幾毋庸議外

其餘各省著再照派出征兵現缺之數酌量召募直隸山東應先補十分之五山西甘肅廣東先補十分之四江西廣西先補十分之三貴州先補十分之七庶兵額不至久懸地方亦資彈壓

頗收禁中專重寄

初用兵時但設總統以將軍總督兼充永保惠齡宜

綿勒保疊膺其任上慮帶兵大臣等勢不

相下無所統屬各懷自私自利之心易啟爭功

誘過之弊四年正月特申明軍紀授勒保

為經畧大臣訓以帶領重兵居中扼要調

度重以各路帶兵大員三省督撫悉授節制貽

悞重大一面拏究一面奏聞惕以軍律具在受

任專者受罰亦重賜以印信令永保齎往

又授明亮額勒登保為參贊大臣嗣勒保獲譴

暫授明亮而那彥成曾加叅贊至授額勒

登保為經畧德楞泰為叅贊卒以平賊仰見我

皇上得馭將之大權執行軍之

要道所由者定鴻勳也臣關槐杜羊境上

緬良規

襄陽天下之險也西北之地多山至襄陽出險而入平原又由漢水直下達江

水陸皆居咽喉之地不獨全楚恃為門戶也五

方輻輳地雜人龐是以各省教匪經官軍執訊

皆以襄陽老教為大師傅大掌櫃湖廣提督原

駐襄陽之穀城後移湖南常德嗣以苗疆緊要

專駐辰州漸徙愈南於北省鞭長莫及嘉慶六

年總督書麟奏准改湖廣提督為湖南提督而

於湖北另設提督一員駐襄陽又鄖陽居襄之

上游幅幘遼濶山林阻深上津直走商維竹山

連界夔巫流民所趨在明設撫治以守之

特下廷議將原駐穀城之襄陽鎮總兵移改鄖

陽又移調道員駐劄又移鄖陽協於竹山節節

有提鎮大員駐守愈形周密以嚴秦蜀楚豫四

省之控制洵

為善後良策 陝南鎮府堅防守 陝西南山即右

府一州跨越楚豫二省東連太華西接武功關

中入水三出其中六谷七十二峪深邃歧雜地

方肥沃物產富饒居無土著之民邪教藉以府

奸竄賊易於得食州縣皆於山外分治勢難控

制乾隆三十年間始以西安府通判移駐五郎

土人稱為五郎府茲因台布等之請下廷議添

設總兵駐劄鎮守 賜名寧陝

川北京卿結

鎮設額兵六千營汛三十二處

粟絲

四年

上以軍營積弊營私牟利帑項虛糜嘉慶

特派副都御史廣興前赴達州

辦理軍需事務並將忠州知州劉清賞給道銜
隨同辦事嗣又以各路籌運軍糧及一切出入
支銷稽查弊竇事務較繁於簡發道府中加派
四員專駐達州幫辦並令廣興將福寧並承辦
之員經手各項逐一查明無任絲毫隱飾次年
復命副都統托津馳驛往川辦理軍需糧
餉

予賞

予陞隨捷奏

用兵之道罰必當罪賞必當功庶使人
人用命我

皇上於軍營將弁先登

陷陣擒渠斬馘者無不加以超擢功籍來上無
不賜俞其中未經奏請者亦必以

筆圈出命查明具奏酌量加恩並

諭經畧督撫等如州縣官守禦有方及鄉

勇防堵出力者概令陳明獎擢權衡至當不濫

不遺每得捷報上自經畧下至兵勇玉佩荷囊

花翎銀牌之賜尤不可勝計無賜瑩賜廟

不感激自効踴躍爭先臣潘世恩

荷

恩施

軍興以來大兵所向克捷惟是賊匪出沒無常
或倉卒不備或衆寡不敵或地利未諳或後兵
不繼勝敗常事則有熊羆之士不二心之臣奮
勇沙場致命遂志出於感激報効臣分應然而

我 皇上軫念戎行褒憐蓋績於該部照例

議卹外咸加等贈賻賞延子孫或致莫死所其

自將領下至兵勇臨陣捐軀漂沒傷亡者無不

分別加 恩命該管大臣查明咨部 賜

卹嘉慶七年五月副將韓自昌陣亡其兄加業

先經死事兄弟競烈 命於原籍建廟有司

春秋致祭 賜命雙烈祠獲賊康二麻

子卽戕加業者乃傳首祭廟併告其母

皇上以孝治天下於軍營各

賚推岷岵歡依滕 員父母尤所軫念如王文雄陣亡

恩予子爵承襲照例 賜卹外因其母

年已八旬 特命琅玕於藩庫賞銀千兩額

勒登保之母病逝 賞銀五千兩治喪並

特諭素知伊家無人照料如親族中有誠實

可靠之人即指名具奏以便將此項賞銀交給

收用若無人可托俟額勒登保奏凱回京再行

面領又慶成之父以老疾終上以其曾經

查抄家產加恩山廣儲司賞銀五百兩交

其弟慶長領回料理喪事錫類推恩官給

無微不至將士聞之有不人人感激者哉

松楸沁入脾嘉慶五年總兵孫清元以父母均

喪葬具摺籲請暫時給假歸營一家窀穸此臣

下烏鳥私情况在軍行難邀俞允上

以其現在帶兵不可驟易生手而骨肉凋謝情

可矜憐特勅署總督顏檢遴委妥幹丞倅

携官銀五百兩付其親族為之安葬如禮

高厚之恩實伊古馭將卹下所未有

德契

神依彰孔赫

聖代懷柔百神虔恭祀典是以

羣靈効職數載中用兵之地垂床助

順保障一方嘉慶元年畢沅奏荊州關帝廟

旁掘得大小礮位及礮子實由明神佑相即

諭令該督修飾廟宇織造恭繡神袍御

書扁額懸之神座五年三月諭梓潼為

文昌帝君桑梓之鄉官兵打仗殺賊屢次克捷

未必不由文昌正神默佑著查明本有廟宇

頒發御額是年冬賊由黃壩河至定

軍山夜分武侯祠前陰雲四起遙望山前燈火

旗幟無數賊驚駭折回南沙河兵民共睹無不

悚異陝西巡撫陸有仁咨工部奏准修葺祠墓

亦賜親書扁額 關帝廟曰威鎮華夏

文昌廟曰化成耆定武侯祠曰忠貫雲霄 臣

玉

麟

御製

訓承

祖述戒毋欺

朕恭讀

聖祖仁皇帝實錄

諭領

兵大將軍等凡報捷必確覈功績據實上

聞如因循陋習冒濫軍功定以軍法從重治罪仰見

我皇會祖整飭軍紀賞罰嚴明今辦理教匪較

當年底定三藩難易較殊霄壤此時帶兵大員若有

圖海張勇其人自必早經竣事諸臣敵愾宣力遠遜

國初而其奏報不實鋪敘戰功冒濫邀賞之事何啻
倍蓰雖屢加訓飭而軍營錮習未能盡改若不申嚴
禁令何以整飭戎行因敬述

聖訓特勅各路奏

報軍功務宜從實毋許一字虛假若仍蹈前轍著兵
部叅奏軍事斷難掩人耳目別經

練團集勇萬民固

發覺被人指劾必按軍法不貸

逆匪倉卒起事承平日久民不知兵所至聞風懾
被賊焚其室廬掠其口食殺老弱裹丁壯無奈爲其
脅從故民日苦而賊日多皆由無以自衛不能堅守
之故嘉慶四年曾採堅壁清野之說令川陝楚豫各
督撫勸村民守堡結寨創挖溝濠悉力保護民間遵
旨修築而事力不齊未能一律五年春復頒明諭現
在川陝各處結寨保衆者賊卽不能擄掠百姓等情
有集勇團練固守村莊賊來則合力迎禦賊去則仍

安生業捍鄉邑以保宗家多一民卽少一賊又於孝義廳生員潘太康捐修寨堡十處予以從九品選用自是民知勸奮堡寨周密阻截賊路坐待兵援賊無所掠食亦無從裹人始而民畏賊後遂賊畏民日就衰蹙此制賊良策究不外出立格頒金五逆夷

六年正月

朕念宿師日久凡著有勞績者奏到卽加醲賞雖兵勇在所不遺而綽顧戎行特施格外命少卿窩星額裘行簡齎銀十萬兩前往軍營會同經畧叅贊查出力兵勇按名賞給以示拊循而增鼓舞又思招撫之旨頻下而投出甚少現在羣賊中徐添德王廷詔爲起事首犯高二馬五高三屢經戕害大員元惡大憝自稔不容於覆載亦萬無自首貸以一綫之理惟有刑茲無赦因通諭立格五逆中能擒殲一名者官擢

二等兵勇超補守備賞銀二千賊黨縛獻老拔用千
總賞銀一千餘如樊人傑冉學勝龍紹周苟文明等
視此降一等有差是年五月五逆俱就擒戮後來
樊苟之誅尙用此格蓋信賞必罰爲行軍要務耳欲

杜邪源宣正學

教匪起事由於查拏邪教有司奉行不善黠胥嚇詐地棍讐許愚民畏罪

姦民藉口驚疑忿激鼓扇羸雜而其勢遂成不知天
地之大並生並育何所不有白蓮雖非正教苟安靜
奉法在家持誦朝政原所不禁若聚衆弄兵漸成叛
逆則王法必不可容無如犯法之人與辦事之人均
不知此義思有以開覺之者乃製邪教說一篇首端
以先聖王道德仁義禮樂政刑使民日趨正道不爲
邪說所惑繼諭以白蓮教惑衆騙錢假名竊語聚集
無賴失業之人流爲盜賊乃明曉以爲逆者法在必

誅未謀逆者豈忍盡剿所辦理者一叛逆大案非欲
 除邪教末丁寧以邪教終流為不靖在良有司實心
 訓導宣揚正學化其暴戾易俗移風民安本業文成
 書石栞布內外大臣軍營督將廣為傳示俾眾咸知
 朕意

俾遵王路副

天慈

上如天好生仁覆閔下屢頒

諭旨以

內地莠民本吾赤子與境外異類不同古來辦
 賊之法剿撫未嘗偏廢今教匪怙惡不悛者固
 當懸首褻脅不得已而從賊者但能投誠即屬
 善良百姓其同教中果知畏罪乞命能將他逆
 擒獻一律赦宥令各督撫騰黃出示嗣復再四

申明鑒其被賊殘虐刺面鑱項開膛炙火之苦
並飭地方官給路費分老荒謂之難民俾復故
業復啟其癡迷勸以覺醒比類於臺灣之莊錫
舍副將大員苗匪之吳隴登花翎五品洋盜投
出之張表李發枝等亦給頂帶歸榮鄉井
諄復剴切媿德於禹之下車湯之開網迄今逆
命者身首異處從令者家室
依然秋肅春溫合乎天道矣
法懲避陣成癰養
嘉慶五年惠齡面奏教匪在荊州襄陽滋事官
兵剿辦僅餘三千人景安任河南巡撫駐守南
陽不肯寔力協捕致賊闌入豫境景安不發一
兵應援惟於無賊處避匿賊遠始行尾隨合省
無不怨哂
上以數年來賊匪蔓延糜帑殃
民由其養癰貽患其辦理浙川一案亦係攘功

人奏得邀伯爵僅予革職發往伊犁轉得置身
事外著解京治罪問擬斬決以事隔二年

恩改

罰儆誅降匪數奇

福寧攻破旗鼓寨餘
匪竄至謝家營無路

監候

奔逃俱跪地乞命福寧以臨陣窮蹙非預先投
出者可比除女犯及老幼釋放外將男犯假以
帶同打仗給與號褂口糧誘入龍山縣城夜間
陸續殺死二千餘人皇上風聞得實特交
查辦並飭調承辦此案之副將呂朝龍質証明
確按殺降例定擬又通諭各路領兵大臣
嗣後如有臨陣乞降及從賊營投出者皆須妥
爲安插俾脅從附和之人知有生路相率歸誠
於剿撫大局
庶有裨益

手諭理申嚴備池

嘉慶五年正月額勒登保帶兵由川赴甘將川省軍務交總督魁倫

接辦魁倫於達州逗留八日以兵製衣履為詞

復繞道行走以致賊匪搶渡嘉陵江荼毒無數

生靈總兵朱射斗失利陣亡奏入

上僅予

薄罰並諭以防守潼河乃伊生死關頭合

其固守以觀後效乃魁倫疎於防範復撤沿河

駐守之黔兵致賊又過潼河擾及川西完善地

方因降旨拿解到京審擬斬決

上

因寬其一綫援照楊應琚之例賜令自盡

並親書諭旨以失律之臣不誅奮不

顧身者何勸豈有數萬子民血膏原野骸骨拋

零為君父者漠不關心必欲曲法保全一僨頭

事庸臣之理宣示中外知之臣趙秉冲

銜律坐冒功褫

嘉慶二年三月湖北巡撫汪新奏夾河洲地方綿亘五十餘里

附近之劉家集龍潭寺本係姚之富等起事嘯聚之區林深路雜村落愚民大半習教據襄陽道胡齊崙稟稱該處匪徒有竊掠牛隻潛圖蠢動情事會同總兵馬瑀派兵搜捕汪新亦帶兵前往督辦大加撲滅生擒緊要賊首王集義吳國萃散李氏黃世昌鄭宗朝郝以謙並感擒駁黨二百餘人當蒙褒敘在事文武諸員汪新旋授總督卽經身故三年十月查出胡齊崙辦理軍務種種虛捏將就撫之民誘出誅戮希圖冒濫邀功胡齊崙以私銷軍需伏法並將汪新追奪官職革去廕生其前經陞官方胡忍逼民反敘之二十六員概予註銷

達州首逆王三槐徐添德等惑眾倡亂獍豸異類固屬自外生成亦緣司牧者平時不能

化導撫綏又或縱容奸胥蠹役需索刁難逆匪遂借官逼民反之說四出勾連以致頻年潰裂

聖明洞燭將貪縱虐民之知州戴如煌交勒保審擬嚴究發戍并諭各省督撫所屬

州縣有似此者概行叅劾查辦其素得民心如劉清諸以謙方積林嵐等即請陞擢庶共知貪墨屏退循良進用習教者得改行安居從逆者知悔心效順公帑敢行贈友

私自元年剿辦教匪至四年間帑項已費七千餘萬皇上屢飭帶兵大員無以養寇爲

肥身之計無以糜帑爲飽橐之資申諭不啻再三乃湖北道員胡齊崙經手襄陽局軍需

四百餘萬並不按例支發恣意侵扣任情餽送
因命拿解來京審訊得實法無可貸降

旨明正其罪並宣示各路軍營以餉銀皆

兵丁等衣糧屣屨之資從征之士不能飽煖焉

能破賊以致賊害良民不可屈指其罪皆由此

等劣員所積聖訓煌煌除軍營之積弊即

以裕兵丁之生計仁育義殲厥渠魁輕去草

正西疆吏師干咸生感懼陝

汧陽縣武振關等設立悄悄會名目聚眾謀逆

知縣祝澄率鄉勇往擒振關其子克祥糾眾奪

犯布政使王文湧捕之不獲副將蕭福祿帶兵

馳到圍之擒戮二千數百入中有良民及入山

避賊脅從者蕭福祿不分玉石概事駢誅張大

邀功長麟遽以入告部中據摺議敘長麟軍功

加一級紀錄二次蕭福祿軍功加三級嗣查辦
該犯家屬財產奉 旨除武振關外其家屬

概免緣坐叛產亦免查收陝省正值望雨之時

旨到卽霈甘霖旋密查得實將長麟優敘

註銷蕭福祿降爲

出於坎窞悵烹雌

被裹逃出
之難民地

叅將

臣萬承風

方官自應妥籌安插况當功屆垂成之際尤宜

加意經畫疊頒

諭旨反覆叮嚀不合一夫

失所乃陝西白河縣知縣阿齡阿接收大營發

到難民將無籍可歸之精壯男丁挑入署內充

水火夫其無歸婦女竟在本城擇人婚配經陸

有仁叅奏卽有革職嚴究之

旨並令飭以

後有親屬等至又將如何辦理且恐該革令及

書役等有無私留婦女通同得贓應研訊情弊

懲創劣員不稍寬假而撫綏良善卽所以革
匪化頑天理人情 聖心所蘊靡不曲盡 好

聯名逃憑新伍

國家張官置吏建營設汛原
以綏靖地方又安黎赤其中今

昔異宜遠近殊勢寡庶視民險易視時周禮設
官所由以經野爲亟也 皇上神謨廣運明

見萬里

特頒

諭旨以河南省荆子關

等處已增營伍湖北提督陝西寧陝已設巨鎮
固原提督已移漢中但如楚省竹谿至四川大
寧陝省西鄉至四川太平東鄉地方遼廓官吏
稀少近年賊匪出沒多在茲地所有三省營制
應增添移建之處叅贊經畧督撫歸入善後事
宜內安 務簡循良破舊資 楚川陝三省被賊之
議具奏 區及其隣近地方甫

離烽燧之驚兵燹之患宜有循卓方善撫綏邇
年京察大計薦舉補任之員經引 見者監

司郡守發三省凡數十人而州縣親民之官尤

為切要 特命各督撫詳慎察看州縣中未

能勝任即於本省酌調雖本非調缺及以繁調

繁與例不符者許其專摺奏明如本省無人即

奏請簡發求賢審官 心殷保赤是在大吏

善承 德意知明處當以報 當守之勤

求 離井孺嬰期就乳 數年以來官兵戰勝賊匪

耳 敗竄輒有匍匐哀號搏頸

乞命者是皆被難良民不甘從賊賊緩則逼脅

急則棄逃萬死一生幸脫獲阱我 皇上仁

慈廣大救拔衆生欲俾出火宅入樂郊 詔

諭頻繁 指示周密初以南山老林可撥給

墾種繼以地方官安為撫卹棲止衣食各遂其
 生又以到家後仍習經咒不必深究又以給予
 銀米路票數日後饑餓難忍仍去從賊非可常
 行又以漢陽鎮難民五萬煮粥平糶俾資餬口
 又以叛產分別賞給或另籌安撫之法又以縛
 獻賊首可邀厚賞又以別給生計或合開荒又
 以不得因曾經從賊吏胥訛詐鄉里譏評種種
 為之化導籌畫盡善誠哉大德曰生守位曰仁
 聚人禁非如天之無不
 覆幬矣 臣温汝适 回鄉卒乘令開眉 韓愈
言徵

兵數萬不如召募數千誠以兵有名額營有遠
 近調發須時鹽糧多費况兵未習其地民各衛
 其鄉此剿賊所以必用鄉勇也其民間自為團
 練者聚則為兵散則為農可無他慮至官募之

鄉勇半皆流寓貧民隨時徵召協同打仗技藝
久既漸嫻鬥狠已成素習在有功者邀賞得官
不乏其人而隨眾聚散者裁撤後若不妥爲安
插則桀驁難馴衣食無策更易流而爲匪頻年
屢頌 諭旨飭川楚陝各督撫因時制宜熟
商妥議或合隸入兵籍或令充補壯丁或給以
荒地官山或賞以絕田叛產 聖心周摯惟在奉行盡善耳 搜林休警三家

落

上以陝西諸處及川東川北一帶湖北
之鄖宜二竹興山房縣等地方刻下自無成
股之賊在彼潛藏或有零星散匪十數爲羣遁
匿大山老林中若不淨絕根株仍恐復行糾聚
爰於十月中旬分 勅統兵大員遴遣得力
鎮將明白精細者密行排搜務令周徧切戒用

不曉事之人張皇求索有意邀功生事擾及無辜並令出示曉諭居民以爾等山居已久本屬善良連年賊被官兵剿急一二餘匪逃至山內捏稱難民告投爾等無識誤留亦在所不免現在大功告成賊已剿淨如爾等家內住有來歷不明之人卽行縛獻斷不治窩留之罪不必畏懼容隱仰見 睿慮周詳於嚴密辦賊之中切惻怛愛民之隱仁義實兼之 會哨須

成九達達

乾隆初年馬朝柱滋事既剿平天堂天馬寨兩江總督尹繼善兩湖總督

永常奏令湖北安徽兩省鎮道縣營每年會哨

高宗純皇帝聽其言令各督撫僉議通

行直省而沿海省分北自登鎮南至澳門每年提鎮親身巡洋指地換旗報總督查覆此定例

也近奉

諭統兵大員於剿捕之便熟察情

形與督撫議定章程每年三省派出提鎮大員
於川楚陝交界內定期會哨一二次奏明遵照
辦理益姦徒生事聚糧造械必非旦夕所成不
時稽查易於防禁且僻壤漸成通衢山蠻知
畏官法固成例之宜循更善後所必舉也

闔澤銘勲榮勒鼎

全定捷音到日上自王公宗室大
小有位外至年班蒙古下及城市

軍民靡不歡欣忭舞喜騰雙闕慶溢九衢

上念成功之不易鑒衆志之大同七載以來領

兵大臣沐雨箝風備嘗艱阻以及徵兵轉饟團

勇安寨之各督撫並在廷叅預機謀趨承密勿

之王大臣等均能各殫心力允宜普沛酬庸成

親王永理曾贊樞務擘畫機宜予一子貝勒儀

親王永璇仰體憂勤嘉謨時告子一子貝子慶
郡王永璘定親王綿恩念切軍務醇謹勤慎各
予一子八分公額勒登保受任經畧運籌決勝
躬履行陣與士卒同甘苦厥功殊偉晉封一等
侯世襲罔替並授御前大臣加太子太保
賞用紫韉德楞泰叅贊師干奮勇超衆所至克
捷勛績炳然晉封一等侯加太子太保賞用紫
韉子伊子副都統銜勒保復任川督後連獲首
逆全境廓清晉封一等伯加太子少保明亮多
年宿將剿辦孝感縣賊成功最妥載念前勞封
一等男西安將軍賽冲阿固原提督楊遇春在
將領中勇畧尤著首功較多均予輕車都尉世
職陝甘總督惠齡從前著有微勞賞還一品翎
頂湖廣總督吳熊光糧運團堡經理實心加太

子少保從優議敘姜晟前在湖廣任內並無貽

悞倭什布前在湖廣亦曾帶兵剿賊平日官聲

尙好均賞還二品頂戴福寧英善著有勞績福

寧給副都統銜英善給頭等侍衛陝西藩司溫

承惠四川藩司楊揆甘肅藩司支需四川臬司

劉清帶兵籌餉數載勤勞交部議敘大學士慶

桂董誥尙書戴衢亨在軍機處行走多年克矢

忠悃承 旨書 諭勤慎小心慶桂董誥

均與騎都尉世職戴衢亨加太子少保子雲騎

尉世職尙書劉權之德瑛雖軍機處行走未久

素日陳奏時有所見協辦大學士朱珪尙書彭

元瑞雖未入直樞廷亦能留心軍務每有敷陳

均交部議敘大理寺少卿章煦在軍機章京上

行走始終其事從優議敘宜綿前辦洞汝河賊

尚屬認真以六部員外郎用景安平日居官廉潔加恩釋放充當熱河披甲仰見懋賞鴻

施微勞必錄前事不忘輕重咸宜權衡悉當不特身受者感激奮勉已也又以京外大員同殷

盼捷命吏兵二部查明文職三品以上武

職二品以上從前降革留任處分摘案錄奏另

降恩旨又特旨飭查出征兵弁所借

整裝銀兩三省州縣百姓所欠帶緩糧米佇俟

霈恩至明燭而瑾戶開大澤行而蟻

封潤普天率土沐膏詠勤者尚有加靡已也

臣戴

殿泗

御製耆功飲至待酬匪

前以叅贊德楞泰為成都將軍旋以經畧額勒登保為西安將

軍權握總戎卽責兼守土併諭以何首全定卽何人
回京今幸羣賊殄除三省底定策勛飲至禮亦宜之
然而苞枿盡芟根株宜固不妨少遲月日解甲來朝
朕方歷久安長治之規二臣亦宜建成功善後之畧
也
三年

訓政勞心切

自丙辰上日仰承大恩傳寶凡用人
行政皆荷訓示予小子敬奉以行二

月有湖北教匪起事之報

皇考焦勞軍務

寢膳靡寧方畧機宜仰聆文衷指授每

批章

發諭

神謨所運備極周詳至己未正月二日

聖製望捷一章遂成麟筆未竟之

志盡傷

於心茲所聯詠四年以前決策執俘之
事皆我皇考十全武功之羸績也

四載籌戎蕝

事遲

予小子親政之次日即傳諭領兵統帥四省督撫以

皇考遺志付托有人諸無

末命

惟是安民除賊遺大投艱倘賊一日未平即予與諸

臣負疚一日何以仰對

在天之靈此四年中每

當戰勝捷傳適遇祭期附文虔告躬詣

裕陵七

度展謁之際俯伏默奏仰求

皇靈威陟降速賜成

功即每日籌辦軍事一切馭將勵兵無非仰遵

十全成法今幸救寧者定豈敢謂克繼

志述

事皆我

皇考謨

感沐

烈佑啟之所垂裕也

天恩咸底定

遺謨敬守鞏丕基

欽定剿平三省邪匪方畧卷首

天章

御製詩

六

同樂園茶宴諸王大學士及內廷翰林用平定三

省教匪聯句復成詩二首

以下癸亥

三年

望捷未聯吟七載方酬

望捷心竄蜀頑民皆掃蕩

在天聖日式昭臨敬承

遺訓鴻猷展永靖邪氛愷澤深悲憶

遠和憑几盼拈毫紀事淚霑襟

自教匪滋事
皇考
籌筆焦勞心殷奏績迨

至

遠和之際猶成盼捷詩章予敬承

遺訓

夙夜籌幾刻以早竣大功稍酬

在天之志去臘

幸葳斯事茲於新正幸同樂園與諸王廷臣敷席聯
吟不敢自謂能成
先志惟感
考慈默佑之

恩拈筆成章

倍深愴慕

晉書卷之六

皇朝文獻通考卷之九

九

始於楚地蔓於川荼毒黔黎已七年錢歛根基羣狗
盜教名彌勒野狐禪雪敷青甸生嘉穀孽淨潢池剗

白蓮幸沐

天恩全底定持盈保泰勉仔肩

盼信

三省雖戡定餘邪未盡除遺灰亦須滅荒蔓務全鋤
尚有伏林澤何時宴室廬祈

天轉泰運寧謐兆民舒

川楚搜捕餘匪事尙未葺詩以遣悶

黃摺去臘馳首逆已全淨餘匪命亟搜愚頑干法令
奔竄榛莽間猶欲肆梟獍招撫若罔聞怙終久失正
籌幾七年餘謀猷受

先聖深慚繼述艱斯事何時竟叩

天佑大清銷兵咸有慶亟望捷奏騰盈寧安萬姓

望蜀吟

陝安楚靖息糾紛
嗟蜀地存餘氛
追捕稍疎賊隊
合官兵既至賊
又分倚恃蠶叢肆奔竄
忽聚忽散勞
我軍憂心疊疊錦江水極目渺渺巫山雲
籌筆七載
未全定民多困阨慙爲君敬希

吳貺轉泰運蕩平殘匪羣黎欣

陝楚餘氛久經蕩淨惟
川省邊界毗連之處澗

谷叢雜搜剔匪易現在各大帥會籌善後必期剗削
無遺方足俾善良常安生業敬俟

吳恩轉泰冀

顛惟

殷

盼信

教匪滋事已七年三省追逐民患連所幸著名惡逆

盡餘孽奔竄猶逾千自知獲罪最深重曷敢投首恐

伏鋌狡兔黠鼠藏窟穴思留殘喘旦夕延官軍搜捕

固奮力冒暑勞役衷生憐敬祈

天眷救兆庶洗兵稔歲嘉澤宣

盼信

歲事年前報羽書
尙餘殘賊忍誅鋤
施恩不受孽深
彼欲罷奚能

天鑒予熱釜沸騰
憐困蟹枯枝跳擲
憫窮狙蕩平喜信
何其緩八載心無一刻舒

經畧額勒登保叅贊德楞泰奏報三省底定餘孽

全平詩誌感慰

戡定軍書去臘呈又逾春夏報全平兆民復業衷差
慰八載籌戎事幸成

考佑於昭均沐澤

天心厭亂始休兵毒疇赤子虞流患盜弄潢池豈遠征

穴倚南山賊屢竄機遲西蜀將頻更練團合力葳功

速褒鄂抒忠晉爵榮元氣未蘇益戒滿官常宜飭願

持盈稍酬

遺志倍兢業安不忘危永矢誠

盼信

萬幾日理皆籌度二事尤殷宵旰心
沍凍凝冰河未

復潛蹤伏穴賊難擒還朝大帥馳佳信

額勒登保於
大功告竣後

即可赴京瞻觀緣該三省邊界山谷紛雜宵小最易
潛藏若不乘此嚴督搜捕何能淨絕根株全剷伏莽
現在計已完善戴事則大帥之捲
旆趨朝當在獻歲發春之前也
築土長隄報喜音

昨據督辦豫省河臣奏到築隄進埽各情形事功尚
為順利成效可期且因天氣和融正可乘時僭辦若

能於歲內合龍河歸故道尤為至
幸誠乃旰宵殷盼不能稍釋者也
縈盼臘前符所願

叩祈

蒼昊鑒微忱

臘日用杜甫韻

半月春來候不遙

是月二十四日立春
距臘日恰十五日

歲逢甲子慶

兵消土崇本業尊儒行民格頑心守憲條瞻就名王

咸入覲牧寧大帥喜趨朝

額勒登保身歷戎行久著
勛績經朕命總師于以後

籌辦軍務謀勇公忠機宜悉心協於上年十二月大功
戡定本年七月復將三省海隅山谷叢雜處所全行
肅清復會同德楞泰等留駐川陝邊界籌辦凱撤綏
撫各事宜今據奏應辦諸務業已全竣三省編氓救
寧安輯現在親齎經畧印信由陝起身回京於封篆
前後詣闕展覲大帥振旅還朝歡騰中外特派御前
侍衛珠爾杭阿齎帶賞件馳驛前赴晉直
之交迎勞宣示恩意以昭優眷而獎勤勞
嘉平樂事
看駢疊和氣致祥靄碧霄

御前大臣威勇侯額勒登保回京瞻覲詩以賜之

早承

廟畧定遐方八載辛勤偉績揚勇冠六軍傳奮迅智周
三省慶平康嚴明馭士誠名將清直存心實至剛振
旅還朝頒厚賞永綿福祿錫無疆

嘉平月二十一日額勒登保至養心殿行抱見禮

詩誌悲感

喜見良臣面感思

望捷詩誠心不矜伐抱膝益倍切悲事滯予多咎功高汝

有爲

裕陵亟叩謁庶慰

在天慈

蜀中餘匪尙未蕩平詩誌憂悶

以下甲子

厭亂

天心應轉移白蓮餘孽尙紛馳兵能迅速斯能掃機患

因循不患遲螟蠶蕩除總無日黔黎安業盼難期將

疲士懈皆予咎宵旰焦愁莫我知

蜀中所存餘匪混
淆散漫三五為羣

詐為鄉勇偽托流民或匿叢薄處所防範稍疎則仍
復肆其盜竊為患於窮僻鄉閭散漫則芟蕪為艱混
淆則草菅堪憫而餘孽稍留總為地方遺害是以嚴
飭經理之臣上緊搜捕務絕根株然曠日持久未報
淨盡為之焦厘豈諸臣未悉
予憂民之切而為是遲遲耶

成都將軍德楞泰奏報剿辦餘匪百餘名趕緊淨

除餘孽詩誌感慰

經時盼捷奏佳信至常山

是日駐蹕常
山峪行宮

痛剿螟蝗孽

深憐將士艱八年役誠苦一鼓賊全刪感謝

蒼旻賜敷恩賞遍頒

去秋竄入南山之餘匪總在老山深箐之中覓食偷生本年三月經

德楞泰於平利境內痛剿之後潛匿不出雖經嚴飭辦事諸臣上緊掃除而地勢阻深天氣暑雨一時未能得手茲據德楞泰奏報賊經官兵搜殺逼出老山向大寧東北狂奔德楞泰商令賽沖阿於本月初十日前進自亦督兵東行於十三日接據賽沖阿報信知前敵在川陝交界之鳳凰寨殺賊得勝並據前此額勒登保商派之楊遇春豐紳馬瑜田朝貴等報稱伊四人彼此籌酌恐賊逸入陝境復入老林楊遇春豐紳截堵於前馬瑜田朝貴追剿於後兩路抄擊擒斬賊匪一百十餘名內有偽元帥總管賊目數名羅

恩蘭一犯係羅其清之叔久爲教首尤屬狡惡今已
生致大快人心現在設法堵截不令竄匿老山再得
一兩勝仗即可全數翦除矣因卽加恩獎賞優賚俾
各將士益思感奮一鼓肅清則捷奏當在駐蹕山莊
之日也

成都將軍侯德楞泰奏報五品翎頂軍功趙洪周
被擄入賊夥殲斃首逆苟文潤官兵搜捕餘匪

殆盡情形詩誌感慰

福地成功屢見

詩欣傳佳信，夾邊馳請纓。弱冠忠，心奮除蔓，雄兵邪孽。

夷

本日據德楞泰奏報，搜剿餘匪，各路堵截，入山轟逼，佈置極爲嚴密。經諸將領陸續稟報，生擒斬馘。

多名內有偽元帥掌櫃積賊名目，而極惡首逆苟文潤之被戮，轉因軍功。趙洪周被擄入賊中，該軍功假意順從，蓄心乘間於魚洞子。賊屯將苟逆用屠刀殺斃，割取首級逸出。維時被賊駁知覺，追趕該軍功跳山驀澗，遺失所割首級屠刀。經馬瑜行過賊屯，起出屠刀，並燒遺苟逆骨片。有同時逃出難民及續獲駁匪僉供，苟文潤被趙洪周所殺，質驗屬實。現在零星餘匪不過百餘，凡有賊蹤出沒，逕路及潛藏窟穴，悉已分撥官兵窮搜密佈，狂奔則無路可逃，延喘已無巢可匿。不難按名捕獲，悉數無遺。並將地棍行竊兇

犯趁勢拿辦腹地邊隅
不日一律肅清寧謐矣

天澤溥施劫消滅民情大定戶恬熙恩頒優渥酬勲績

閭里盈寧漸可期

成都將軍內大臣侯德楞泰奏報蕩除餘匪三省

肅清詩誌感慰

考心未了事今日始云剛平定幸三省稽遲已九秋

匪教

起於楚延及陝川宵旰籌幾九載未嘗稍釋雖膚功
疊奏巨孽皆除而馘殘逃匿恃險苟延者未得卽時

蕩滌先後勅額勒登保德楞泰等會辦善後事宜窮
搜遺孽務使根萌盡絕莫又閭閻仍復與以時日寬
其處分必期萬全完善茲據德楞泰奏報剿捕餘匪
逼出老山前於鳳凰寨等處先將續經爲首之逆渠
及賊目賊夥殲馘擒獲多名各將領督率官兵嚴密
分佈設伏窮追鼓勇爭先不與以幾微之暇自八月
十七至二十等日各路又將深林藏匿及僻隘狂奔
之零星殘孽或斬戮行陣或檻繫解營悉數剷除纖
氛淨洗該處農民商賈俱已各安生業永享昇平斯
皆仰賴 上蒼垂佑 皇考鴻慈歲此安民之
事予原不以可釋焦勞爲喜惟 黎氏雖免難 去
以上酬 在天遺志爲心也 宵旰
豈忘憂永勉持盈念長承

天澤周

盼信二十韻

以下丙寅

教匪已淨掃搜捕誠無遺三省漸復業相安太平時
方幸永寧謐耕鑿恢舊基忽傳新兵譟揭竿亂又滋
旣戕所部長醜類咸奔馳攻城兼掠寨百姓遭屠夷
此輩原鄉勇入伍恩澤施召德甘倘叛剿滅義問宜
平定三省邪匪大功告成各一路搜捕淨盡一切善後
事宜次第經理地方悉就寧謐前因陝省五郡廳爲

南山扼要之區特設寧陝鎮增置官兵彈壓並於隨
征鄉勇中情愿入伍者一體召募作爲新兵俾得飽
糈資其生計且可藉以鈐束詎此輩桀驁難馴於本
年七月初藉停止加增米折銀兩爲由糾聚煽亂滋
擾寧陝廳新舊二城戕害護鎮叅將楊之震都司羅
全亮焚燒衙署肆行搶掠竄向華陽二郎壩一帶經
方維甸楊遇春帶兵入山剿辦嗣據探報叛賊有由
西江口攻擾漢中之信江口營新兵亦間有蠢動叛
賊復分股擾至洋縣踰城而上縣令曾彰泗罵賊被
戕糾結幾及二千人投至石泉被官兵擊退復折回
寧陝鎮城東竄至鎮安孝義因該處均有戒備未被
擾害復由大山岔秦嶺一帶竄出峪口希圖入棧滋
擾此叛賊倡亂情形也逆匪等以入伍新兵胆敢負
恩偕叛實爲覆載所不容故不得不亟行殄滅矣

陝兵不可恃決機奚可遲爰命舊大帥西指重建旗
勁旅遴百騎赴赴皆虎羆別選甘涼隊更調蜀郡師
雄兵已雲集一鼓賊盡糜捷音久未至又吟盼信詩
自慚乏德化盜賊接踵隨良民始息役懼患增焦思
方維甸揚遇春剿賊月餘尙無捷報爰特命德楞泰
率同扎克塔爾等前往督辦以示威重陝省存營之
兵新募者多雖不盡被賊煽惑究恐未足深恃因思
東三省勁旅素稱趨健所向成功適當八月木蘭行
圍之期吉林黑龍江兩處官兵前來熱河隨從進哨
者計有四十餘人盛京學圍官兵又得二十餘人卽

馳諭德楞泰如果需此項精兵卽速行奏請派往適
德楞泰奏至與朕意相同卽令溫春桑吉斯塔爾薛
大烈等帶領巴圖魯侍衛官兵等三十員名並吉林
官兵先行馳往出哨後又命富翰百順等帶領盛京
黑龍江兵繼往聲威壯盛並調集甘省河州固原等
處官兵三四千名川省建昌重慶等處官兵四千名
屯土兵二千名楚豫兩省亦各派兵數千名在邊境
堵截似此各路大兵雲集諒不難一鼓集事惟三省
良民甫經安堵今又有此番徵調
而捷音尙未馳至殊增焦思耳

封章何太緩西望

徒嗟咨轉瞬屆冰雪凝凍虞乏疲亟願殄蜂蠆肅靜
終南陲人事盡心力虔俟

上帝慈

德楞泰自到陝後雖頻有驛章奏報尚係布置一切情形節經降旨飭催現在調集各處官兵

俱已齊集東三省勁旅亦可全抵軍營兵力較之賊衆多至數倍且近據德楞泰等奏稱新兵剿賊亦能奮勉出力可見叛賊勾結無多雖裹脅幾及二千而真賊不過數百祇須痛殲一二仗即可蕩事今距立冬之期已近所願速清么膺免致冰霜沍寒盼望捷音旰宵莫釋惟冀
吳慈默佑俾關西黎庶早獲安恬實深虔企

陝信

借德甘爲亂潢池自合汗六師集秦嶺一戰刈衰蒲

首逆應膏鉞脅從可緩誅速祈滌殘孽

吳澤小陽敷

據德楞泰奏賊匪由郿縣斜峪關南竄桃川五里坡一帶經德楞泰飛飭扎克塔爾

楊遇春等迎頭截剿於九月十八日兵分三路齊抵良玉地方適馬步賊三千餘人蜂擁而至偽元帥蒲拜子首先衝來我兵直前攬殺戳傷該逆腰胸數處官兵乘勢追壓三十餘里復有後賊接應又經我兵衝壓數次該匪始向山後奔竄現在官兵扼要暫紮視賊所向再爲進剿合計擊斃賊匪一百數十名帶傷之賊三四百名生擒賊探及夥賊五十餘名叛匪倡亂肆逆亟應迅速殄除今所調各兵初次接仗卽將首逆蒲拜子戳傷並殲戮匪黨多名其勢已挫因念賊中脅從者衆特諭德楞泰凡係新兵作亂卽窮

感乞命亦在不赦若被裏民人爲之炊爨服役者或
臨陣乞降或殺賊自贖尙可量爲寬貰並令德楞泰
曉諭賊營廣爲宣布於剿捕機宜更爲有益此時東
三省官兵已陸續到彼川省屯土兵亦已調集聲威
愈壯自當一鼓殲除剋期蕝事現已屆立冬之期惟
冀 吳恩敷佑卽奏蕩平共沐陽春 仁澤也

領侍衛內大臣繼勇侯德楞泰奏報剿辦賊匪事

竣詩誌欣慰

用兵宜速守

先言已隸營屯敢負恩

三省平定後辦理善後事宜已
將鄉勇一項妥爲安頓其願入

伍者分撥各營充額食餉乃此項新兵之隸寧陝鎮者忽於七月初戕官滋擾負恩僭叛該匪等性本桀獠糾結鴟張不得不厚集兵力大加懲創爰調派各路官兵及東三省勁旅共二萬有餘特命德楞泰率同扎克塔爾等前往督辦復命溫春桑吉斯塔爾薛大烈富翰百順等先後帶領巴圖魯侍衛官兵等馳赴會剿蓋兵貴神速昔年仰承 聖訓指一萬雄授韜鈴今茲決機制勝亦惟服膺弗失耳

師方振旅三千小醜盡驚魂事成一鼓除元惡律按

餘氛剪蔓根不可勝誅投絕域止仁明罰治功原

德楞

泰等帶兵到陝於初次接仗時已大挫賊鋒連日盼望捷報甚切適於孟冬四日據德楞泰奏官兵追剿

賊匪於兩河進口關及褒城留壩等處分爲四路碁
布星羅賊匪探知處處有兵不能遠竄卽在白蟒寺
一帶屯聚九月二十四日扎克塔爾楊遇春楊芳帶
兵趕到德楞楞泰前敵勁兵繼至逆匪震懾軍威賊首
蒲大芳卽蒲拜子王文龍等率領多人至陣前拋棄
兵仗環跪乞降其時首逆陳達順陳先倫尙在後隊
抗拒官兵仍施放鎗礮弓箭蒲大芳等遂請奔回賊
營將陳達順陳先倫並江口營賊首向貴一併捆縛
送至軍營蒲大芳王文龍王俸劉月盛苟文興及大
小賊目二十餘人同至大營願將投順之叛賊遊匪
及裹脅百姓四千餘人分爲數處屯紮聽候查辦德
楞泰當卽訊明起事主謀之首逆陳達順陳先倫並
首先糾約之向貴等三犯臠割示衆正在查辦間有
先經從賊之遊匪千餘人於半夜拔營潛遁經楊芳

馳往截回蒲大芳等亦懇求隨往復將起意逃竄之
朱有貴李得吳大才唐倬周得五名用矛戳斃夥匪
等畏懼停紮蒲大芳等現將叛賊遊匪及被裹難民
分別造冊呈送核辦德楞泰督同將領官兵就近駐
營除業經釋放者計有三千餘人請旨遵辦此逆匪
窮蹙乞命情形也逆匪等以入伍新兵胆敢糾衆倡
亂罪在不赦惟當大兵雲集蒲大芳等自知萬難逃
竄籲請貸命並將始禍兇渠擒縛就戮稍有一綫可
原因諭令德楞泰等於查辦時將被賊裹脅之良民
先行省釋此內叛賊遊匪曾經抗拒旋復歸順者仍
按律分別定擬候旨遵行朕仰體 上天好生之
仁固不忍概行誅殛然國典具在必當按其情罪量
予發遣此實法外
施仁之至意也

新兵二十韻
以下丁卯

教匪幸盡除營伍歸汎地鄉勇實繁多過半皆敗類
有家樂生還無籍難安置羈縻暫分防從權非善議
平定川陝楚三省教匪蕨功完善各省派調官兵皆
陸續凱撤歸伍至鄉勇一項有在本籍地方團集堡
寨衛護田廬者大率皆身家瞻足之人事定後各安
生業共樂昇平其隨征鄉勇係軍營隨時雇募者此
輩多係素無恒產桀驁不馴之徒平時作奸犯科原
不能休其心無及至應募隨營衝鋒陷銳出力爲多
當大功告成之際預飭各該督撫查明欲歸原籍者
給賞遣送各還鄉土其無籍可歸者不得不量爲安

置惟是經畧額勒登保因議增設新兵卽以此項鄉
勇充補俾得餼項以資養贍兼冀其嫻習營規用示
鈐束實一時權宜之計
行軍紀律先獎進懲退避法
非經久無弊之法也

合若不伸孰肯輕嘗試陝安率准降姑息綱紀棄誅

逃倣其餘投裔禦魑魅

上年秋間寧陝營新兵陳達
順陳先倫向貴等糾眾倡亂

裹脅多人拒捕戕官特命德楞泰扎克塔爾溫春薛
大烈等前往督同該省鎮將上緊剿辦調集陝甘川
省官兵西安駐防滿兵並盛京吉林黑龍江墨爾根
學圍官兵先後馳往原望一鼓殲除申明憲典大示
懲創詎德楞泰等到彼先後派官兵四路擊剿頗有
斬獲及至方柴關與賊接仗後隊伏賊趕至爲數較

多官兵被賊衝壓稍形退敗而賊黨蒲大芳王文龍等率衆趕至軍前投棄兵械跪哭乞降經楊遇春等諭令將賊衆撤退並獻出首逆再行定議蒲大芳等立將陳達順等三人縛獻並麾退賊衆擒斬不願投順者數人遂稟知德楞泰准令受降此大誤也十月初間德楞泰等報至朕卽諭令德楞泰等將該叛賊按律分別定罪原欲俟奏到時核其情節稍有可原者貸以一死已屬格外施仁乃德楞泰尙未接奉諭旨輒將現存叛賊二百四十餘名仍歸原營入伍姑息養奸實從來無此辦賊之法節經降旨嚴飭令其另行定議並將辦理錯謬諸大員分別黜懲嗣經調任總督全保巡撫方維甸等奏擬借新疆換防爲名將各該處未動新兵與降賊二百二十餘人分起調出一體搭配分派將弁管帶出關俟到彼後將降賊

分給各回城回子伯克爲奴其著名之犯俟行至中途相機拿解定擬斬絞並稱現在新兵及降賊均各情願換防等語在全保等之意係欲從權辦理但旣以換防爲名分起調往新疆及到後又復傳旨分別發遣是仍設計誘往不足以申國法而示嚴懲爰特降恩旨令全保等將該犯等竟作爲換防兵丁配搭陳兵分起前往俟到戍後將此等降賊永勿令其換回以示屏諸遠方之意其著名各犯亦無庸再分等差此實因德楞泰等辦理降賊業已錯謬於前而朕保護良民之苦心不得已如此完結非正辦也嗣據德楞泰等奏防戍新兵及降匪蒲大芳王文龍等俱已全數起程內有不願換防及推病脫逃之苟文興等於拿獲時卽行正法其歸伍後脫逃者飭各該督撫嚴拿務獲勿令漏網至方柴關敗退之兵旣飭勒

保全保等查明嚴辦並將帶兵大員如田朝貫游棟雲蘇勒芳阿等核其情節分別定擬用肅軍紀焉

綏定亂既滋越城竄守備兵集團練追一戰櫬槍墜

罰罪賞有功免賦除民累

本年正月初十日據德楞泰等奏川省綏定府城新

兵有滋事之信正在降旨飭諭於次日旋據奏到接據川省文武稟報綏定叛匪業經副將桂涵等帶領兵勇於麻柳場地方剿殺全勝將首逆孔傳世王得先並劉姓等擒獲其餘殺斃生擒者甚衆文武官員俱未被害等語續又據勒保馳奏除首逆生擒外其餘旗手及附和匪徒亦全數殲獲並無一名倖免因降旨將奮勇出力之桂涵加賞總兵銜仍交部從優議敘並賞給巴圖魯名號其道員嚴士鋌同知王世

燾調撥團勇尅期制勝均著交部議敘至達縣知縣
余永寧東鄉縣知縣楊世鰲新寧縣知縣劉毓壙均
因疎勇狃賊或賞戴花翎或給予陞銜補用卽徵員
未秩亦量予甄錄而在事兵弁等亦各量予拔補其
尤爲出力之新兵羅貴卽以千總超補並賞給巴圖
魯名號以示優獎至守備王國雄先因扣留兵餉激
生事端旋即越城遁匿卽令於該處正法用昭炯戒
所有綏定城內及麻柳場居民被賊焚燒者飭令該
督查明將本年應徵錢糧悉予寬免並酌
賞修理房屋之費給賑三月俾無失所

川境甫救

寧陝邊復恣肆揭竿瓦石坪嘯聚山林遂兩省師夾

攻奮威固原帥首逆盡生擒殲黨淨妖崇

川省綏定
之事甫竣

又據德楞泰等奏陝省邊境瓦石坪地方復有新兵
滋事旋據奏經副將祝廷彪會同川省副將羅思舉
合兵剿殺已將首逆周士貴殲斃並擒獲賊目趙文
興等共計殲擒賊匪二百餘名其餘匪二百餘人竄
入巴山老林當經降旨責成固原提督薛大烈寧陝
總兵楊遇春督同祝廷彪羅思舉上緊圍捕務令就
地殲擒二月初一日據德楞泰等奏薛大烈楊遇春
等督兵五路進剿將首夥各犯盡數撲滅辦理實爲
安速除副將祝廷彪羅思舉先行交部議敘外薛大
烈楊遇春二人亦一體加恩甄敘並著德楞泰等將
打仗出力官兵分別賞給一月半月錢糧其前次川
省剿捕綏定叛匪之兵勇等亦分別賞給錢糧有差
用示
鼓勵
未可尙寬柔玩易如兒戲火烈孰敢撓水懦患

益熾衆正紀律嚴知方明大義半載三叛亡蕩平感

天賜守法遵

考猷詳紀新兵事

國家設兵衛民可百年不用不可一日不備是在平時簡稽訓練俾各有

勇知方一經派調克敵致果所向無前大易所謂師出以律者此也我朝自開國以來八旗勁旅英

銳之風爲前代所未有

列聖相承皆以經武爲

亟我

皇考神謨廣運睿畧周詳曾

頒發行

軍紀律於有進無退之旨

訓諭諄諄誠以敵愾

同仇義無返顧必軍令嚴明而後衆志成城如山岳之不可動斯戰勝攻取無返撓之虞而保全者衆此

武功十全所由懿懌隆茂卓越千古也予祇承

丕緒親政之初正值剿辦三省邪匪籌機決策亦惟申明賞罰不少寬假用能淨掃賊氛奠安黎庶此次新兵偶有蠢動德楞泰於寧陝叛賊冒昧受降以致辦理未能妥協節經嚴切訓誡並於方柴關退敗一事覈實查辦以飭戎行而綏定瓦石坪兩處新兵滋事遂相繼殄平不致稍稽時日此實仰賴天慈垂佑於半載之內俾三叛賊不旋踵而定而予之恪遵

考志以申儆武備者實未敢少有懈弛

云